

舊唐書

二

705793

唐書本紀卷第四

劉昫

等修

聞人詮校刻沈桐同校

高宗上

館位

高宗天皇大聖大弘孝皇帝諱治太宗第九子也母曰文德順聖長孫皇后以貞觀二年六月生於東宮之麗正殿五年封晉王七年遷授并州都督幼而岐嶷端審寬仁孝友初授孝經於著作郎蕭德言太宗問曰此書中何言爲對曰夫孝始於事親中於事君終於立身君子之事上進思盡忠退思補過將順其美匡救其惡太宗大悅曰行此足以事父兄爲臣子矣及文德皇后崩晉王時年九歲哀慕感動左右太宗屢加慰撫由是特深寵異尋拜右武侯大將軍十七年皇太子承乾廢魏王泰亦以罪黜太宗與長孫無忌房玄齡李勣等計議立晉王爲皇太子太宗每視朝常令在側觀決庶政或令參議太宗數稱其善十八年太宗將伐高麗命太子留鎮定州及駕發有

期悲啼累日因請飛驛遞表起居并遞勅垂報並許之飛表奏事自此始也及軍旋太子從至并州時太宗患癱太子親吮之扶輦步從數日二十三年五月己巳太宗崩庚午以禮部尚書兼太子少師黎陽縣公于志寧爲侍中太子少詹事兼尚書左丞張行成爲兼侍中檢校刑部尚書太子右庶子兼吏部侍郎攝戶部尚書高季輔爲兼中書令檢校吏部尚書太子左庶子高陽縣男許敬宗兼禮部尚書辛未還京六月甲戌朔皇太子即皇帝位時年二十二詔曰大行皇帝奄棄普天痛貫心靈若寘湯火思遵大孝不敢滅身永慕長號將何逮及粵以孤眇屬當元嗣思勵空薄康濟黎元敬順惟新仰昭先德宜布凱澤被乎億兆可大赦天下內外文武賜勳官一級諸年八十以上賚以粟帛雍州及諸州比年供軍勞役尤甚之處並給復一年辛巳改民部尚書爲戶部尚書疊州都督英國公勣爲特進檢校洛州刺史仍於洛陽宮留守癸未詔司徒揚州都督趙國公無忌爲太尉兼檢校中書令知尚書門下二省事餘並如故賜物三千段癸

已特進英國公勳爲開府儀同三司同中書門下三品秋七月丙午
改治書侍御史爲御史中丞諸州治中爲司馬別駕爲長史治禮郎
爲奉禮郎以避上名以貞觀時不諱先帝二字詔有司奏曰先帝二
名禮不偏諱上既單名臣子不合指斥上乃從之己酉于闐王伏閣
信來朝八月癸酉朔河東地震晉州尤甚壞廬舍壓死者五千餘人
三日又震詔遣使存問給復二年壓死者賜絹三匹以開府儀同三
司英國公勳爲尚書左僕射同中書門下三品僕射始帶同中書門
下庚寅葬太宗於昭陵九月甲寅加授鄜州刺史荆王元景爲司徒
前安州都督吳王恪爲司空兼梁州刺史丙寅贈太尉梁國公玄齡
贈司徒申國公士廉贈左僕射蔣國公屈突通並可配食太宗廟庭
冬十一月甲子以瑤池都督阿史那賀魯爲左驍衛大將軍乙丑晉
州地又震是冬無雪

永徽元年春正月辛丑朔上不受朝詔改元壬寅御太極殿受朝而
不會丙午立妃王氏爲皇后丁未以陳王忠爲雍州牧二月辛卯封

皇子孝爲許王上金爲祀王素節爲雍王夏四月己巳朔晉州地又震五月丁未上謂羣臣曰朕謬膺大位政教不明遂使晉州之地屢有震動良由賞罰失中政道乖方卿等宜各進封事極言得失以匡不逮吐火羅遣使獻大鳥如鴛食銅鐵上遣獻于昭陵吐蕃贊普死遣右武衛將軍鮮于匡濟齎璽書往吊祭六月庚辰晉州地震秋七月丙寅以旱親錄京城囚徒九月癸卯右驍衛郎將高倫執車鼻可汗詣闕獻于社廟及昭陵己未尚書左僕射英國公勣固請解職許之令以開府儀同三司同中書門下三品十一月己未中書令河南郡公褚遂良授同州刺史十二月瑤池都督沙鉢羅葉護阿史那賀魯以府叛自稱可汗控有西域之地是歲雍絳同等九州旱蝗齊定等十六州水

二年春正月戊戌詔曰去歲關輔之地頗弊蝗蝻天下諸州或遭水旱百姓之間致有罄乏此由朕之不德兆庶何辜矜物罪己載深憂惕今獻歲肇春東作方始糧廩或空事資賑給其遭蟲水處有貧乏

者得以正義倉賑貸雍同二州各遣郎中一人充使存問務盡哀矜之旨副朕乃眷之心乙巳黃門侍郎平昌縣公宇文節加銀青光祿大夫依舊同中書門下三品守中書侍郎柳奭爲中書侍郎依舊同中書門下三品夏四月乙酉秩太廟令及獻昭二陵令從五品丞從七品五月壬辰開府儀同三司及京官文武職事四品五品並給隨身魚六月辛酉開府儀同三司襄邑王神符薨秋七月丁未賀魯寇陷金嶺城蒲類縣遣武侯大將軍梁建方右驍衛大將軍契苾何力爲弓月道總管以討之正月乙丑大食國始遣使朝獻己巳侍中燕國公于志寧爲尚書左僕射侍中兼刑部尚書北平縣公張行成爲尚書左僕射並同中書門下三品猶不入銜中書令兼檢校吏部尚書菴縣公高季輔爲侍郎九月癸巳改九成宮爲萬年宮廢玉華宮以爲佛寺閏月辛未頒新定律令格式於天下冬十月辛卯晉州地震十一月辛丑有事於南郊戊辰定襄地震丁丑以高昌故地置安西都護府白水蠻寇麻州命左領軍將軍趙孝祖討平之

三年春正月癸亥以去秋至于是月不雨上避正殿降天下死罪及流罪遞減一等徒以下咸宥之弓月道揔管梁建方契苾何力等大破處月朱耶孤注於牢山斬首九千級虜渠帥六千俘生口萬餘獲牛馬雜畜七萬丙寅太尉趙國公無忌以旱請遜位不許己巳同州刺史河南郡公褚遂良爲吏部尚書門下三品丙子親祠太廟丁亥籍子千畝賜羣官帛有莩三月辛巳黃門侍郎平昌縣公宇文節爲侍中中書侍郎柳奭爲中書令庚申幸觀德殿賜文武群官大射夏四月庚寅左領軍將軍趙孝祖大破白水蠻大救律甲午澧州刺史彭王元則薨五月庚辰詔以周司沐大夫裴融齊侍中崔季舒給事黃門侍郎裴澤尚書左丞封孝琰隋儀同三司豆盧毓御史中丞游楚客等並門挺忠鯁其子孫各宜甄擢秋七月丁巳立陳王忠爲皇太子大赦天下五品已上子爲父後者賜勲一轉大酺三日乙丑左僕射于志寧兼太子少師右僕射張行成兼太子少傅侍中高季輔兼太子少保侍中宇文節兼太子詹事丁丑上問戶部尚書高履行

去年進戶多少履行奏稱進戶摠一十五萬又問曰隋日有幾戶今見有幾戶履行奏隋開皇中有戶八百七十萬即今見有戶三百八十萬九月丁巳改太子中允爲內允中書舍人爲內史舍人諸率府中郎將改爲族責郎以避太子名冬十月戊戌幸同安大長公主第又幸高陽長公主第即日還宮十一月乙亥駸馬國遣使朝貢庚寅弘化長公主自吐谷渾來朝十二月癸巳濮陽王泰薨

四年春正月癸丑朔上臨軒不受朝以濮王泰在殯故也丙子新除房州刺史駸馬都尉房遺愛司徒秦州刺史荆王元景司空安州刺史吳王恪寧州刺史駸馬都尉薛萬徹嵐州刺史駸馬都尉柴令武謀反二月乙酉遺愛萬徹令武等並伏誅元景恪巴陵高陽公主並賜死左驍衛大將軍安國公執失思力配流儂州侍中兼太子詹事平昌縣公宇文節配流桂州戊子特進太常卿江夏王道宗配流桂州恪母弟蜀王愔廢爲庶人已亥絳州刺史徐王元禮加授司徒開府儀同三司英國公勣爲司空三月壬子朔頒孔穎達五經正義於

天下每年明經令依此考試丙辰上御觀德殿陳逆人房遺愛等口馬資財爲五梁引王公諸親蕃客及文武九品已上射夏四月戊子林邑國王遣使來朝貢馴象壬寅以旱避正殿減膳親錄繫囚遣使分省天下冤獄詔文武官極言得失八月己亥隕石十八于同州之馮翊有聲如雷九月壬寅尚書右僕射北平縣公張行成薨甲戌吏部尚書河南郡公褚遂良爲尚書右僕射依舊知政事冬十月庚子幸新豐之溫湯甲辰曲赦新豐乙巳至自溫湯戊申睦州女子陳碩貞舉兵反自稱文佳皇帝攻陷睦州屬縣婺州刺史崔義玄揚州都督府長史房仁裕各率衆討平之十一月癸丑兵部尚書固安縣公崔敦禮爲侍中頒新律疏於天下十二月庚子侍中兼太子少保脩縣公高季輔卒

五年春三月戊午幸萬年宮辛未曲赦所經州縣繫囚以工部尚書閻立德領丁夫四萬築長安羅郭夏四月守黃門侍郎潁川縣公韓瑗守尚書侍郎來濟並加銀青光祿大夫依舊同中書門下三品閔

五月丁丑夜大雨水漲暴溢漂溺麟遊縣居人及當番衛士死者三千餘人六月恒州大雨滹沱河泛溢溺五千餘家癸丑蒲州汾陰縣暴雨漂溺居人浸壞廬舍癸亥中書令柳奭兼吏部尚書丙寅河北諸州大水七月辛巳有小鳥如雀生大鳥如鳩於萬年宮皇帝舊宅八月大理奏決死囚物管七十餘人辛亥詔自今已後五品已上有薨亡者隨身魚並不須追收辛未吐蕃使人獻馬百匹及大驢可高五丈廣袤各二十七步九月丁酉至自萬年宮又十一月癸酉築京師羅郭和霍京兆百姓四萬一千人板築三十日而罷九門各施觀十二月癸丑倭國獻琥珀碼瑙琥珀大如斛碼瑙大如五斛器戊午發京師謁昭陵在路生皇子賢己未勅二年一定戶

六年春正月壬申朔親謁昭陵曲赦醴泉縣民放今年租賦陵所宿衛將軍郎將進爵一等陵令丞加階賜物甲戌至自昭陵於陵側建佛寺庚寅封皇子弘爲代王賢爲潞王二月乙巳皇太子忠加元服内外文武職事五品已上爲父後者賜勳一級大酺三日三月營州

都督程元振破高麗於貴端水嘉州辛道讓妻一產四男壬戌昭儀
武氏著內訓一篇夏五月癸未命左屯衛大將軍盧國公程知節等
五將軍帥師出葱山道以討賀魯黃門侍郎潁川郡公韓瑗為侍中
中書侍郎南陽男來濟為中書令兼吏部尚書河東縣男柳奭貶遂
州刺史六月大食國遣使朝貢秋七月乙亥侍中固安縣公崔敦禮
為中書令乙酉均天下州縣公廡八月尚藥奉御蔣孝璋貞外特置
仍同正貞外同正自蔣孝璋始也己酉大理更置少卿一員先是大
兩道路不通京師米價暴貴出倉粟糶之京師東西二市置穉倉九
月庚午尚書右僕射河南郡公褚遂良以諫立武昭儀貶授潭州都
督乙酉洛州大水毀天津橋冬十月己酉廢皇后王氏為庶人立昭
儀武氏為皇后大赦天下十一月丁卯朔臨軒命司空勣左僕射志
寧冊皇后文武群官及蕃夷之長奉朝皇后於肅義門十一月己巳
皇后見于廟癸酉追贈后父故工部尚書應國公贈并州都督武士
獲為司空丙子淄州高苑縣吳文威妻魏氏一產四男三見育癸巳

應國夫人楊氏改封代國夫人十二月遣禮部尚書高陽縣男許敬宗每日待詔於武德殿西門

七年春正月辛未廢皇太子忠爲梁王立代王弘爲皇太子壬申大赦改元爲顯慶文武九品已上及五品已下子爲父後者賜勳官一轉大酺三日甲子尚書左僕射兼太子少師燕國公于志寧兼太子太傅侍中韓瑗中書令來濟禮部尚書許敬宗並爲太子賓客始有賓客也御玄武門餞葱山道大摠管程知節二月庚寅名破陣樂爲神功破陣樂辛亥贈司空武士彟爲司徒周國公三月辛巳百后祀先蠶于北郊丙戌戶部侍郎杜正倫爲守黃門侍郎同中書門下三品夏四月戊申御安福門觀僧玄奘迎御製并書慈恩寺碑文導從以天竺法儀其徒甚盛五月己卯太尉長孫無忌進史官所撰梁陳周齊隋五代史志三十卷弘文館學士許敬宗進所撰東殿新書二百卷上自製序六月岐州刺史路王賢爲雍州牧秋七月癸未中書令兼檢校太子詹事固安縣公崔敦禮爲太子少師同中書門下三品

改戶部尚書爲度支尚書侍郎亦然八月丙申太子少師崔敦禮卒左衛大將軍程知節與賀魯所部歌邏祿獲刺頡發及處月預支俟斤等戰於榆幕谷大破之斬首千餘級獲驄馬牛羊萬計九月癸酉初詔戶滿三萬已上爲上州二萬已上爲中州先爲上州中州者各依舊皇后製外戚誠庚辰括州海水泛溢壞安固永嘉二縣損四千餘家辛巳初制都督及上州各置執刀十五人中州下州十人癸未初置驃騎大將軍官爲從一品程知節與賀魯男咥運戰斬首數千級進至恒篤城俘其部落戶口及貨物鉅積冬十一月乙丑皇子顯生詔宗官朝集使各加勳級十二月乙酉置算學左屯衛大將軍程知節坐計賀魯逗留追賊不及減死免官罷蘭州都督鄯州置都督二年春正月庚寅幸洛陽命右屯衛將軍蘇定方等四將軍爲伊麗道將軍帥師以討賀魯二月辛酉入洛陽宮曲赦洛州庚午封皇第七子顯爲周王徙封許王素節爲郇王三月甲子中書侍郎李義府爲中書令兼檢校御史大夫黃門侍郎杜正倫兼度支尚書依舊同

中書門下三品夏五月丙申幸明德宮秋七月丁亥還洛陽宮八月
丁卯侍中穎川縣公韓瑗左授振州刺史中書令兼太子詹事南陽
侯來濟左授台州刺史皆坐諫立武昭儀爲皇后救褚遂良之貶也
禮部尚書高陽郡公許敬宗爲侍中以立武后之功也九月庚寅度
支尚書杜正倫爲中書令冬十月戊戌親講武於許鄭之郊曲赦鄭
州遣使祭鄭大夫國僑漢太丘長陳寔墓十二月乙卯還洛陽宮庚
午改昏葉宮丁卯手詔改洛陽宮爲東都洛州官負階品並隸雍州
廢穀州以福昌等四縣并懷州河陽濟源溫鄭州汜水並隸洛州已
巳中書省置起居舍人兩眞品同起居郎庚午以周王顯爲洛州牧
壬午分散騎常侍爲左右各兩眞其右散騎常侍隸中書省

三年春正月戊子太尉趙國公無忌等脩新禮成凡一百三十卷二
百五十九篇詔頒於天下二月丁巳車駕還京壬午親錄囚徒多所
原有蘇定方攻破西突厥沙鉢羅可汗賀魯及唾運闕啜賀魯走石
國副將蕭嗣業追擒之收其人畜前後四十餘萬甲寅西域平以其

地置濛池崑陵二都督府復於龜茲國置安西都護府以高昌故地爲西州置懷化大將軍正三品歸化將軍從三品以授初附首領仍分隸諸衛六月程元振攻高麗九月廢書筭律學有司奏請造排車七百乘擬行幸載排城上以爲勞民乃於舊頓置院墻焉冬十一月乙酉兼中書令皇太子賓客兼檢校御史大夫河間郡公李義府左授普州刺史兼中書令皇太子賓客襄陽郡公杜正倫左授橫州刺史中書侍郎李友益除名配流馮州戊戌侍中許敬宗權檢校中書令戊子侍中皇太子賓客權檢校中書令高陽縣公許敬宗爲中書令賓客已下如故大理卿辛茂將爲侍中鴻臚卿蕭嗣業於石國取賀魯至獻於昭陵甲辰開府儀同三司鄂國公尉遲敬德薨

四年春二月乙亥上親策試舉人凡九百人惟郭侍封張九齡五人居上第令待詔弘文館隨仗供奉三月以左驍衛大將軍郾國公契苾何力往遼東經略夏四月己未太子太傅尚書左僕射燕國公于志寧爲太子太師仍同中書門下三品乙丑黃門侍郎許圜師同中

書門下三品丙戌太子太師同中書門下三品燕國公于志寧免官
放還私第戊戌太尉揚州都督趙國公無忌帶揚州都督於黔州安
置依舊準一品供給五月丙申兵部尚書任雅相度支尚書盧承慶
並叅知政事秋七月壬子普州刺史李義府爲吏部尚書同中書門
下三品冬十月乙巳皇太子加元服大赦天下文武五品已上子孫
爲父祖後者加勳官一級大酺三日閏十月戊戌幸東都皇太子監
國戊戌至東都十一月以中書侍郎許圜師爲散騎常侍檢校侍中
戊午兼侍中辛茂將卒癸亥以邢國公蘇定方爲神丘道摠管劉伯英
爲崑夷道摠管

五年春正月甲子幸并州二月辛巳至并州丙戌宴從官及諸親并
州官屬父老賜帛有老曲赦并州及管内諸州義旗初職事五品已
上身亡歿墳墓在并州者令所司致祭佐命功臣子孫及大將軍府
僚佐已下今見存者賜階級有老量才處分起義之徒職事一品已
下賜物有老年八十已上版授刺史縣令佐命功臣食別封身已歿

者爲後子孫各加兩階賜醕三日甲午祠舊宅以武士護殿開山劉政會配食三月丙午皇后宴親族鄰里故舊於朝堂命婦婦人入會於內殿及皇室諸親賜帛各有差及從行文武五品以上制以皇后故鄉并州長史司馬各加勳級又皇后親預會每賜物一千段暮親五百段大功已下及無服親隣里故舊有差城內及諸婦女年八十已上各版授郡君仍賜物等已酉講武於并州城西上御飛閣引群臣臨觀辛亥發神丘道軍伐百濟丁巳左右領始改左右千牛夏四月戊寅車駕還東都造八關宮于東都苑內癸亥至自并州五月壬戌幸八關宮改爲合璧宮六月庚午朔日有蝕之辛卯詔文武五品已上四科舉人甲午駕還東都秋七月乙巳廢梁王忠爲庶人徙於黔州戊辰度支尚書同中書門下三品盧承慶以罪免八月庚辰蘇定方等討平百濟固縛其王扶餘義慈國分爲五部郡三十七城二百戶七十六萬以其地分置熊津等五都督府曲赦神丘崑夷道摠管已下賜天下大酺三日九月戊午賜英國公勣墓塋一所冬十月

丙子代國夫人楊氏改榮國夫人品第一位在王公母妻之上十一月戊戌朔邢國公蘇定方獻百濟王扶餘義慈太子隆等五十八人俘於則天門責而宥之乙卯狩于許鄭之郊十二月己卯至自許州六年春正月乙卯於河南河北淮南六十七州募得四萬四千六百四十六人往平壤帶方道行營二月乙未以益綿等州皆言龍見改元曲赦洛州龍朔元年三月丙申朔改元壬戌幸合璧宮夏五月丙申命左驍衛大將軍涼國公契苾何力爲遼東道大摠管左武衛大將軍邢國公蘇定方爲平壤道大摠管兵部尚書同中書門下三品樂安縣公任雅相爲涓江道大摠管以伐高麗是日皇后請禁天下婦人爲俳優之戲詔從之甲子晦日有蝕之六月庚寅中書令許敬宗等進累璧六百三十卷目錄四卷秋七月癸卯車駕還東都八月丙戌令諸州舉孝行尤著及累葉義居可以勵風俗者九月甲辰以河南縣大女張年百三歲親幸其第又幸李勣之第天宮寺是高祖潛龍時舊宅上周歷殿宇感愴久之度僧二十人皇后至許圍師第

壬子徙封潞王賢爲沛王是日以雍州牧幽州都督沛王賢爲揚州都督左武侯大將軍牧如故以洛州牧周王顯爲并州都督是日勅中書門下五品已上諸司表官尚書省侍郎并諸親三等已上並詣沛王宅設宴禮奏九部樂禮畢賜帛雜綵等各有茗冬十月丁卯狩于陸渾癸酉還宮是歲新羅王金春秋卒其子法敏嗣立

二年春正月乙巳太府寺更置少卿一員分兩京檢校丙午東都初置國子監并加學生等員均分於兩都教授二月甲子改京諸司及百官名尚書省爲中臺門下省爲東臺中書省爲西臺左右僕射爲左右匡政左右丞爲肅機侍中爲左相中書令爲右相自餘各以義訓改之又改六宮內職名甲戌司戎太常伯沮江道摠管樂安縣公任雅相卒于軍三月甲申自東都還京癸丑幸同州蘇定方破高麗于葦島又進攻平壤城不克而還夏四月庚申朔至自東都辛巳造蓬萊宮成徙居之五月丙申左侍極許圜師爲左相乙巳復置律書算三學六月己未朔皇子旭輪生乙丑初令道士女冠僧尼等並盡

禮致拜其父母乙亥制蓬萊宮諸門殿亭等名秋七月丁亥朔以東宮誕育滿月大赦天下賜酺三日八月甲午右相許敬宗乞骸骨壬寅許敬宗爲太子少師同東西臺三品仍知西臺事九月司禮少常伯孫茂道奏稱八品九品舊令著青亂紫非卑品所服望令著碧詔從之戊寅前吏部尚書河間郡公李義府起復爲司列太常伯同東西臺三品冬十月丁酉幸溫湯皇太子弘監國丁未至自溫湯庚戌西臺侍郎上官儀同東西臺二品十一月辛未左相許圜師下獄癸酉封皇第四子旭輪爲殷王十二月辛丑改魏州爲大都督府改冀州爲魏州又以并揚荆益四都督府並爲大都督府沛王賢爲揚州大都督周王顯爲并州大都督殷王旭輪遙領冀州大都督左相許圜師解見任

三年春正月左武衛大將軍鄭仁泰等帥師討鐵勒餘種盡平之乙丑司列太常伯李義府爲右相二月丙戌隴雍同岐等一十五州戶口徵修蓬萊宮癸巳置太子左右諭德及桂坊大夫等官員改司經局

爲桂坊館崇賢館罷隸左春坊丁酉減京官一月俸助修蓬萊宮庚戌詔曰天德施生陽和在節言念幽圜載惻分宵雖復每有哀矜猶恐未免枉濫在京繫囚應流死者每日將二十人過於親自臨問多所原宥不盡者令皇太子錄之詔以書學隸蘭臺筭學隸秘閣律學隸詳刑寺改燕然都護府爲瀚海都護府瀚海都護府爲雲中都護府二月前左相許圜師左遷虜州刺史太子弘撰瑤山玉彩成書凡五百卷夏四月乙丑右相李義府下獄戊子李義府除名配流雋州丙午幸蓬萊宮新起含元殿秋八月癸卯彗星見於左攝提戊申詔百寮極言正諫命司元太常伯竇德玄司刑太常伯劉祥道等九人爲持節大使分行天下仍令内外官五品已上各舉所知冬十月丙申絳州麟見于介山丙午含元殿前麟趾見十一月癸酉雨水十二月庚子詔改來年正月一日爲麟德元年春正月甲子改雲中都護府爲單于大都護府官品同大都督府二月丁亥加授殷王旭輪單于大都護戊子幸萬年宮三月辛亥展大赦禮丁卯長女追封安

定公主謚曰思其鹵簿鼓吹及供葬所須並如親王之制於德業寺
遷于崇敬寺夏四月衛州刺史道王元慶薨五月許王孝薨乙卯於
昆明之弄棟川置姚州都督府秋八月丙子朔至自萬年宮便幸舊
宅巳卯降萬年縣繫囚因幸大慈恩寺壬午還蓬萊宮戊子兼司列
太常伯檢校沛王府長史城陽縣侯劉祥道兼右相大司憲竇德玄
兼司元太常伯檢校左相九月巳卯詔曰周京兆尹左右宮伯大將
軍司衛上將軍少冢宰廣陵郡公宇文孝伯忠亮存心貞堅表志滯
刑既違方納諫而求仁忍忌將加甘捐軀而徇節年載雖久風烈猶
生宜峻徽章式旌亂胄其孫左威衛長史思純可加授朝散大夫十
二月丙戌殺西臺侍郎上官儀戊子庶人忠坐與儀交通賜死右相
城陽縣侯劉祥道爲司禮太常伯太子右中護檢校西臺侍郎樂彥
璋西臺侍郎孫處約同知政事是冬無雪

二年春正月壬午幸東都丁酉幸合璧宮戊子慮雍洛二州及諸司
囚甲子以發向太山停選三月甲寅兼司戎太常伯永安郡公姜恪

同東西臺三品辛未東都造乾元殿成閏月癸酉日有蝕之四月丙
午曲赦桂廣黔三都督府管內大辟罪已上丙寅講武邙山之陽御
城北樓觀之戊辰左侍極仍檢校大司成嘉興縣子陸敦信爲檢校
右相其大司成宜停西臺侍郎孫處約樂彥璋並停知政事五月辛
卯以祕閣郎中李淳風造曆成名麟德曆頒之以司空英國公李勣
少師高陽郡公許敬宗相嘉興縣子陸敦信左相鉅鹿男竇德玄爲
檢校封禪使六月鄜州大水壞城邑秋七月鄧王裕薨冬十月戊午
皇后請封禪司禮太常伯劉祥道上疏請封禪癸亥高麗王高藏遣
其子福男來朝丁卯將封泰山發自東都是歲大稔米斛五錢粳麥
不列市十一月丙子次于原武以少牢祭漢將紀信墓贈驃騎大將
軍庚寅華州刺史燕國公于志寧卒十二月丙午御齊州大廳乙卯
命有司祭泰山丙辰發靈巖頓

唐書本紀卷第四

唐書本紀卷第五

劉 昫 等修

聞人詮校刻沈桐同校

高宗下

麟德三年春正月戊辰朔車駕至泰山頓是日親祀昊天上帝於封祀壇以高祖太宗配饗己巳帝昇山行封禪之禮庚午禪於社首祭皇地祇以太穆太皇太后文德皇太后配饗皇后爲亞獻越國大妃燕氏爲終獻辛未御降禪壇壬申御朝觀受朝賀改麟德三年爲乾封元年諸行從文武官及朝覲華戎岳牧致仕老人朝朔望者三品已上賜爵二等四品已下七品以上加階八品已下加一階勳一轉諸老人百歲已上版授下州刺史婦人郡君九十八十節級齊州給復一年半管嶽縣二年所歷之處無出今年租賦乾封元年正月五日已前大赦天下賜酺七日癸酉宴群臣陳九部樂賜物有差日朕而罷丙子皇太子弘設會丁丑以前恩薄普進爵及階勳等男子賜

古爵兗州界置紫雲仙鶴萬歲觀封巒非煙重輪三寺天下諸州置
觀寺一所丙戌發自泰山甲午次曲阜縣幸孔子廟追贈太師增修
祠宇以少牢致祭其襄聖侯德倫子孫並免賦役二月己未次亳州
幸老君廟追號曰太上玄元皇帝創造祠堂其廟置令丞各一員改
谷陽縣爲真源縣縣內宗姓特給復一年夏四月甲辰車駕至自泰
山先謁太廟而後入庚寅改鑄乾封泉寶錢六月壬寅高麗莫離支
蓋蘇文死其子男生繼其父位爲其弟男建所逐使其子獻誠詣闕
請降詔左驍衛大將軍契苾何力率兵以應接之秋七月乙丑徙封
殷王旭輪爲豫王庚午左侍極檢校右相嘉興子陸敦信緣老病乞
辭機揆拜大司成兼知左侍極大司憲兼檢校右中護劉仁軌兼右
相檢校右中護八月辛丑兼司元太常伯兼檢校左相鉅鹿男竇德
玄卒丁未殺司衛少卿武惟良淄州刺史武懷運仍改姓蝮氏冬十
月己酉命司空英國公勳爲遼東道行軍大總管以伐高麗
二年春正月丁丑以去冬至于月無雨雪避正殿減膳親錄囚徒

罷乾封錢復行開元通寶錢二月戊戌涪陵郡王愔薨辛丑改萬年
官依舊名九成宮夏六月乙卯西臺侍郎楊武西臺侍郎道國公檢
校太子左中護戴至德正諫議大夫檢校東臺侍郎安平郡公李安
期東臺侍郎張文瓘並同東西臺三品秋八月己丑朔日有蝕之丙
辰東臺侍郎李安期出爲荊州大督府長史

三年春正月庚寅詔繕工大監兼瀚海都護劉審禮爲西域道安撫
大使壬子以右相劉仁軌爲遼東道副大摠管二月戊午遼東道破
薛賀水五萬人陣斬首五千餘級獲生口三萬餘人器械牛馬不可
勝計丙寅以明堂制度歷代不同漢魏以還彌更訛舛遂增古今新
制其圖下詔大赦改元爲摠章元年二月戊寅幸九成宮己卯分長
安萬年置乾封明堂二縣分理於京城之中癸未皇太子弘釋奠於
國學贈顏回太子少師曾參太子少保夏四月丙辰有彗星見於畢
昴之間乙丑上避正殿減膳詔內外群官各上封事極言過失於是
羣臣上言星雖孛而光芒小此非國眚不足上勞聖慮請御正殿復

常饌帝曰朕獲奉宗廟撫臨億兆謫見于天誠朕之不德也當責躬修德以禳之羣臣復進曰星孛于東北此高麗將滅之徵帝曰高麗百姓即朕之百姓也既爲萬國之主豈可推過於小蕃竟不從所請乙亥彗星滅辛巳西臺侍郎楊武卒秋八月癸酉至自九成宮九月癸巳司空英國公勣破高麗拔平壤城擒其王高藏及其大臣男建等以歸境內盡降其城一百七十戶六十九萬七千以其地爲安東都護府分置四十二州

二年春正月封諸王嫡子皆爲郡王二月東臺侍郎同東西臺三品兼知左史事張文瓘署位始入銜三月東臺侍郎郝處俊同東西臺三品癸酉皇后親祀先蠶夏四月乙酉幸九成宮置司列少常伯司戎少常伯各兩員五月庚子移高麗戶二萬八千二百車一千八十八乘牛三千三百頭馬二千九百疋駝六十頭將入內地萊營二州般次發遣量配於江淮以南及山南并京以西諸州空閑處安置八月戊申朔日有蝕之括州大風雨水泛溢永嘉安固二縣城郭漂百

姓宅六千八百四十三區溺殺人九千七十牛五百頭損田草四千一百五十頃翼州大水漂壞居人廬舍數千家並遣使賑給秋七月劍南益瀘儋茂陵邛雅緜翼維始簡資榮隆果梓普遂等一十九州旱百姓乏絕揔三十六萬七千六百九十九戶遣司珍大夫路勵行存問賑貸癸巳翼州大都督府奏自六月十三日夜降雨至二十日水深五尺其夜暴水深一丈已上壞屋一萬四千三百九十區害田四千四百九十六頃遣右衛大將軍涼國公契苾何力爲駕海道行軍大揔管秋八月甲戌改瀚海都護府爲安北都護府九月己亥發自九成宮壬寅停華林頓大蒐于岐乙巳至岐州高祖初仕隋爲扶風太守故曲赦岐州管內高祖時胥徒隨材擢用賜高年衣物粟帛各有差冬十月丁巳至自九成宮十一月庚辰發九州人夫轉發太原倉米粟入京丁亥徙封豫王旭輪爲翼王仍令單名輪十二月戊申司空太子太師英國公勣薨是冬無雪

三年春正月丁丑右相樂成男劉仁軌致仕辛卯列遼東地爲州縣

二月戊申以旱親錄囚徒祈禱名山大川癸丑日色出如赭三月甲戌朔大赦天下改元爲咸亨元年三月丁丑改蓬萊宮爲含元殿壬辰太子少師同東西臺三品許敬宗致仕夏四月吐蕃寇陷白州等一十八州又與于闐合衆襲龜茲撥換城陷之罷安西四鎮辛亥以右威衛大將軍薛仁貴爲邏娑道行軍大總管右衛員外大將軍阿史那道真左衛將軍郭待封爲副領兵五萬以擊吐蕃庚午幸九成宮雍州大雨雹五月丙戌詔曰諸州縣孔子廟堂及學館有破壞并先來未造者遂使生徒無肄業之所先師闕真祭之儀久致飄露深非敬本宜令所司速事營造六月壬寅朔日有蝕之秋七月戊子前西臺侍郎李敬玄起復本職仍依舊同東西臺三品薛仁貴郭待封至大非川爲吐蕃大將論欽陵所襲大敗仁貴等並坐除名吐谷渾全國盡沒唯慕容諾曷鉢及其親信數千帳內屬仍徙於靈州界八月甲子至自九成宮王梁州都督趙王福薨丙寅以久旱避正殿尚食臧膳九月甲申衛國夫人楊氏薨贈魯國夫人謚曰忠烈閏月壬子

故贈司徒周忠孝公士彥贈太尉太子太師太原郡王贈魯國忠烈
太夫人贈太原王妃甲寅葬太原王妃京官文武九品已上及外命
婦送至便橋宿次冬十月癸酉大雪平地三尺餘行人凍死者贈帛
給棺木令雍同華州貧窶之家有年十五已下不能存活者聽一切
任人收養爲男女充驅使皆不得將爲奴婢丙申太子右中護兼攝
正諫大夫同東西臺三品趙仁本爲左肅機罷知政事十二月庚寅
諸司及百官各復舊名是歲天下四十餘州旱及霜蟲百姓飢乏關
中尤甚詔令任往諸州逐食仍轉江南租米以賑給之

二年春正月乙巳幸東都留皇太子弘於京監國令侍臣戴至德張
文瓘李敬玄等輔之唯以關立本郝處俊從甲子至東都二月丁亥
雍州人梁金柱請出錢三千貫賑濟貧人夏四月戊子大風折木六
月戊寅左散騎常侍兼檢校秘書太子賓客周國公武敏之以罪復
本姓賀蘭氏除名流雷州丁亥以旱親錄囚徒秋九月地震司徒潞
州刺史徐王元禮薨冬十月搜揚明達禮樂之士十一月甲午朔日

有蝕之庚戌幸許汝等州教習癸酉冬狩校獵於許州葉縣昆水之陽十二月丙戌還東都

三年春正月辛丑發梁益等一十八州兵募五千三百人遣右衛副率梁積壽往姚州擊叛蠻辛未制雍洛二州人聽任本州官二月己卯侍中永安郡公姜恪卒於河西鎮守夏四月戊寅幸合璧宮壬午於水南教旗上問中書令閻立本黃門侍郎郝處俊伊尹負鼎俎于湯應是補緝時政不知鑄鼎所緣復在何國將爲國之重器歷代傳寶閻立本以古義對五月乙未五品已上改賜新魚袋並飾以銀三品已上各賜金裝刀子礪石一具六月丙子於洛州栢崖置倉八月壬子特進高陽郡公許敬宗卒九月乙卯冀州大都督府復爲魏州魏州復爲冀州壬寅沛王賢徙封雍王冬十月己未皇太子監國壬戌車駕還京師乙亥中書侍郎同中書門下三品道國公戴至德加兼戶部尚書黃門侍郎同中書門下三品張文瓘檢校大理卿黃門侍郎觀山縣公同中書門下三品郝處俊爲中書侍郎兼檢校吏部

侍郎同中書門下三品李敬玄爲吏部侍郎並依舊同中書門下三品十一月戊子朔日有蝕之甲辰至自東都十二月癸卯太子左庶子劉仁軌同中書門下三品是冬左監門大將軍高侃大敗新羅之衆於橫水

四年春正月甲午詔咸亨初收養爲男女及驅使者聽量酌衣食之直放還本處丙辰絳州刺史鄭王元懿薨二月壬午以左金吾將軍裴居道女爲皇太子弘妃夏四月丙子幸九成宮閏五月丁卯燕山道摠管李謹行破高麗叛黨於瓠盧河之西高麗平壤餘衆遁入新羅秋七月庚午九成宮太子新宮成上召五品已上諸親宴太子宮極歡而罷辛巳婺州暴雨水泛溢漂溺居民六百家詔令賑給八月辛丑上疴疾令太子受諸司啓事己酉大風毀太廟鴟吻冬十月壬午中書令博陵縣子閻立本卒乙未皇太子弘納妃畢曲赦岐州大酺三日庚子還京師乙巳至自九成宮十一月丙寅上製樂章有上元二儀三才四時五行六律七政八風九宮十洲得一慶雲之曲詔

有司諸大祠享即奏之十二月丙午弓月踈勒二國王入朝請降
五年春二月壬午遣太子左庶子同中書門下三品劉仁軌爲雞林
道大摠管以討新羅仍令衛尉卿李弼右領大將軍李謹行副之三
月辛亥朔日有蝕之己巳皇后祀先蠶夏四月辛卯以尚輦奉御周
國公武承嗣爲宗正卿五月己未詔春秋二社本以祈農如聞此外
別爲邑會此後除二社外不得聚集有司嚴加禁止六月壬寅太白
入東井秋八月壬辰追尊宣簡公爲宣皇帝懿王爲光皇帝太祖武
皇帝爲高祖神堯皇帝太宗文皇帝爲文武聖皇帝太穆皇后爲太
穆神皇后文德皇后爲文德聖皇后皇帝稱天皇皇后稱天后改咸
亨五年爲上元元年大赦戊戌勅文武官三品已上服紫金玉帶四
品深緋五品淺緋並金帶六品深綠七品淺綠並銀帶八品深青九
品淺青鑰石帶庶人服黃銅鐵帶一品已下文官並帶手巾筭袋刀
子礪石武官欲帶亦聽之九月辛亥百寮具新服上宴之於麟德殿
癸丑追復長孫無忌官爵仍以其曾孫翼襲封趙國公許歸葬於昭

陵先造之墳十一月丙午朔幸東都已酉狩于華山之曲武原戊辰至東都十二月將王憚薨戊子于闐王伏闐雄來朝辛卯波斯王卑路斯來朝壬寅天后上意見十二條請王公百寮皆習老子每歲明年一準孝經論語例試於有司又請子父在爲母服三年號王鳳薨二年春正月甲寅熒惑犯房壬戌支汗郡王獻碧玻璃丙寅以于闐爲昆沙都督府以尉遲伏闐雄爲毗沙都督分其境內爲十州以伏闐雄有擊吐蕃功故也庚午龜茲王白素稽獻銀頗羅辛未吐蕃遣其大臣論吐渾彌來請和不許二月雞林道行軍大摠管大破新羅之衆於七重城斬獲甚衆新羅遣使入朝獻方物伏罪赦之復其王金法敏官爵三月丁未日色如赭丁巳天后親蠶於邛山之陽時帝風疹不能聽朝政事皆決於天后自誅上官儀後上每視朝天后垂簾於御座後政事大小皆預聞之內外稱爲二聖帝欲下詔令天后攝國政中書侍郎郝處俊諫止之夏四月分括州永嘉永固二縣置溫州析臨海縣爲樂安永寧二縣辛巳周王顯妃趙氏以罪幽死己亥

皇太子弘薨于合璧宮之綺雲殿時帝幸合璧宮是日還東都五月
己亥追謚太子弘爲孝敬皇帝六月戊寅以雍王賢爲皇太子大赦
秋七月辛亥洛州復置緱氏縣以管孝敬皇帝恭陵慈州刺史杞王
上金坐事於澧州安置八月庚子太子左庶子同中書門下三品樂
成侯劉仁軌爲左僕射依舊監修國史中書門下三品大理卿張文
瓘爲侍中中書侍郎同三品甌山公郝處俊爲中書令監脩國史如
故吏部侍郎檢校太子左庶子監脩國史李敬玄吏部尚書兼太子
左庶子同中書門下三品依前監脩國史左丞許圜師爲戶部尚書
九月丙午宰相劉仁軌載至德張文瓘郝處俊並兼太子賓客冬十
月析永州管道江華唐興三縣置道州壬午星孛於角元之南長五
尺十二月丁亥龜茲王白素稽獻名馬

三年春正月戊戌徙封翼王輪爲相王二月甲戌移安東都護府於遼
東乙亥堅昆獻名馬丁亥幸汝州之溫湯三月癸卯黃門侍郎來恒
中書侍郎薛元超並同中書門下三品甲辰還東都三月己巳朔吐

蕃入寇鄯廓河芳等四州乙酉洛州牧周王顯爲洮州道行軍元帥
領工部尚書劉審禮等十二摠管并州都督相王輪爲涼州道行軍
元帥領左衛將軍契苾何力等軍以討吐蕃二王竟不行戊午勅制
比用白紙多爲蟲蠹今後尚書省下諸司州縣宜並用黃紙其承制
勅之司量爲卷軸以備披檢庚寅車駕還京夏四月戊申至自東都
甲寅中書侍郎李義琰同中書門下三品戊午幸九成宮六月癸丑
黃門侍郎高智周同中書門下三品秋七月彗起東井指北河漸東
北長三丈掃中台指文昌宮五十八日方滅八月乙未吐蕃寇疊州
庚子以星變避殿減膳放京城繫囚令文武官各上封事言得失壬
寅置南選使簡補廣交黔等州官吏青齊等州海泛溢又大雨漂溺
居人五千家遣使賑卹之九月甲子朔車駕還京丙申郇王素節削
戶三分之一於袁州安置癸丑於北京置金鄰州十一月丁卯勅新
造上元舞圓丘方澤享太廟用之餘祭則停壬申以陳州言鳳凰見
於宛丘改上元三年曰儀鳳元年大赦庚寅吏部尚書李敬玄爲中

書令十二月丙申皇太子賢上所注後漢書賜物三萬段戊午遣使分道巡撫宰相來恒河南道薛元超河北道左丞崔知悌等江南道二年春正月乙亥上躬籍田於東郊庚辰京師地震壬辰幸司竹園即日還宮二月丁巳工部尚書高藏授遼東都督封朝鮮郡王遣歸安東府安輯高麗餘衆司農卿扶餘隆熊津州都督封帶方郡王令往安輯百濟餘衆仍移安東都護府於新城以統之夏四月以河南河北旱遣使賑給八月徙封周王顯爲英王改名哲乙巳太白犯軒轅十二月乙卯勅關內河東諸州召募勇敢以討吐蕃詔京文武職事官三品已上每年各舉文武才能堪任將帥牧守者一人是冬無雪三年四月丁亥朔以旱避正殿親錄囚徒悉原之戊申大赦改來年正月一日爲通乾癸丑涇州獻二小兒連心異體年四歲五月壬戌幸九成宮以相王輪爲洛州牧秋七月丁巳宴近臣諸親於咸亨殿上謂霍王元軌曰去冬無雪今春少雨自避暑此官其雨頻降夏麥豐熟秋稼滋榮又得敬玄表奏吐蕃入龍支張虔勗與之戰一日兩

陣斬賊極多又太史奏七月朔太陽合虧而不虧此蓋上天垂祐宗社降靈豈虛薄所能致此又男輪最小特所留愛比來與選新婦多不稱情近納劉延景女觀其極有孝行復是私衷一喜思與叔等同爲此歡各宜盡醉上因賦七言詩効栢梁體侍臣並和九月丁巳還京師辛酉至自九成宮癸亥侍中張文瓘卒丙寅洮河道行軍大摠管中書令李敬玄左衛大將軍劉審禮等與吐蕃戰于青海之上王師敗績審禮被俘上以蕃寇爲患問計於侍臣中書舍人郭正一等咸以備邊不深討爲上策十月丙午徐州刺史密王元曉薨閏十月戊寅熒惑犯鈞鈴十一月乙未昏霧四塞連夜不解丙申雨水冰壬子黃門侍郎同中書門下三品來恒卒十二月詔停明年通乾之號以反語不善故也

四年正月辛未戶部尚書平恩縣公許圜師卒巳酉幸東都庚戌尚書右僕射道國公戴至德薨二月壬戌吐蕃贊普卒遣使弔祭之乙丑東都饑官出糴米以救饑人夏四月戊午熒惑入羽林星左承崔

知悌爲戶部尚書中書令郝處俊爲侍中五月壬午盜殺正諫大夫明崇儼丙戌皇太子賢監國戊戌造紫桂宮於沔池之西六月辛亥制大赦天下改儀鳳四年爲調露元年秋七月己卯朔詔以今年冬至有事嵩岳禮官學士詳定儀注八月丁巳侍中郝處俊左庶子高智周黃門侍郎崔知溫給事中劉景先兼脩國史九月壬午吏部侍郎裴行儉討西突厥擒其十姓可汗阿史那都支及別帥李遮匄以歸冬十月單于大都護府突厥阿史德溫傳及奉職二部相率反叛立阿史那泥熟匄爲可汗二十四州首領並叛遣單于大都護長史蕭嗣業將軍花大智李景嘉等討之與突厥戰爲賊所敗嗣業配流桂州壬子令將軍曹懷舜率兵往恒州守井陘崔獻往絳州守龍門以備突厥庚申前詔封高山宜停癸亥吐蕃文成公主遣其大臣論塞調傍來告喪請和親不許遣郎將來令文史吐蕃會贊普之葬十一月戊寅朔左庶子同三品高智周罷知政事癸未以吏部侍郎裴行儉爲禮部尚書賞擒都支遮匄之功也甲辰裴行儉爲定襄道大

揔管與營州都督周道務等兵十八萬并西軍程務挺東軍李文暉等摠三十萬以討突厥甲寅臨軒試應岳牧舉人

二年春正月乙酉宴諸王諸司三品已上諸州都督刺史於洛城南門樓奏新造六合還淳之舞二月丙午詔曰故符璽郎李延壽撰正典一部辭殫雅正雖已淪亡功猶可錄宜賜其家絹五十疋壬子霍王元軌率文武百寮請出一月俸料助軍以討突厥癸丑幸汝州温湯丁巳至少室山戊午親謁少姨廟賜故玉清觀道士王遠知謚曰昇真先生贈太中大夫又幸隱士田遊巖所居己未幸嵩陽觀及啓母廟並命立碑又幸逍遙谷道士潘師正所居甲子自温湯還東都三月裴行儉大破突厥於黑山擒其首領奉職偽可汗泥熟匄爲其部下所殺傳首來降夏四月乙丑幸紫桂宮戊辰黃門侍郎裴炎崔知温中書侍郎王德真並同中書門下三品五月癸未焚感犯輿鬼丁酉太白經天秋七月吐蕃寇河源屯于良非川河西鎮撫大使李敬玄與吐蕃將贊婆戰于湟中官軍敗績時左武衛將軍黑齒常之

力戰大破蕃軍遂擢爲河源軍經畧大使令李敬玄鎮鄯州爲之援
丙申江王元祥薨是月突厥餘衆圍雲州中郎將程務挺擊破之八
月丁未自紫桂宮還東都丁巳鄯州都督李敬玄左遷衡州刺史甲
子廢皇太子賢爲庶人幽於別所乙丑立英王哲爲皇太子改調露
二年爲永隆元年赦天下大酺三日太子左庶子同中書門下三品
張大安坐庶人左遷普州刺史九月河南河北諸州大水遣使賑卹
溺死者官給棺槨其家賜物七段冬十月壬寅蘇州刺史曹王明封
零陵郡王於黔州安置坐附庶人賢也已酉自東都還京十一月朔
日有蝕之洛州饑減價官糶以救饑人

二年春正月突厥寇原慶等州乙亥命將軍李知十王果等分兵禦
之癸巳遣禮部尚書裴行儉爲定襄道大摠管率師討突厥温傳部
落已亥詔雍岐華同民戶宜免兩年地稅河南河北遭水處一年上
詔雍州長史李義玄曰朕思還淳返朴示天下以質素如聞游手墮
業此類極多時稍不豐便致饑饉其異色綾錦并花間裙衣等糜費

既廣俱害女工天后我之足敵常著七破間裙豈不知更有靡麗服飾務遵節儉也其紫服赤衣間間公然服用兼商賈富人厚葬越禮卿可嚴加捉搦勿使更然二月丙午皇太子親行釋奠禮三月辛卯左僕射同三品劉仁軌兼太子少傅侍中郝處俊爲太子少保罷知政事五月丙戌定襄道揔管曹懷舜與突厥史伏念戰於橫水官軍大敗懷舜死配流嶺南六月壬子故江王元祥男暉以犯名教斬於大理寺後園七月太平公主出降薛紹赦京城繫囚閏七月丁未黃門侍郎裴炎爲侍中黃門侍郎崔知溫中書侍郎薛元超並爲中書令庚申上以服餌令皇太子監國丙寅雍州大風害稼米價騰踊是月裴行儉大破突厥史伏念之衆伏念爲程務挺急追遂執溫傳來降行儉於是盡平突厥餘黨行儉執伏念溫傳振旅凱旋八月丁卯朔河南河北大水許遭水處往江淮已南就食丁亥戶部尚書崔知溫卒辛卯改交州爲安南都護府九月丙申彗星見於天市長五尺冬十月丙寅朔日有蝕之乙丑改永隆二年爲開耀元年曲赦定

襄軍及緣征突厥官吏兵募等丙寅斬阿史那伏念及溫傳等五十四人於都市丁亥新羅王金法敏薨仍以其子政襲位十一月癸卯徙庶人賢于巴州十二月吐火羅獻金衣一領上不受辛未太子少保甌山縣公郝處俊薨

永淳元年正月乙未朔以年饑罷朝會關內諸府兵令於鄧綬等州就穀二月癸未以太子誕皇孫滿月大赦改開耀二年爲永淳元年大酺三日戊午立皇孫重照爲皇太孫欲開府置寮屬吏部郎中王方慶曰按周禮有嫡子無嫡孫漢魏已來皇太子在不立太孫但封王耳晉立愍懷太子子或爲太孫齊立文惠太子子昭業爲太孫便居東宮而皇太子在而立太孫未有前例上曰自我作古可乎亦可然竟不立府寮是春關內旱日色如赭四月甲子朔日有蝕之丙寅幸東都皇太子京師留守命劉仁軌裴炎薛元超等輔之上以穀貴減扈從兵士庶從者多蹂躪於路辛未以裴行儉爲金牙道行軍大摠管與將軍閻懷旦等三摠管兵分道討十姓突厥阿史那車薄行

儉未行而卒安西副都護王方翼破車薄咽麩西域平戊寅次澠池之紫桂宮乙酉至東都丁亥黃門侍郎郭待舉兵部侍郎岑長倩中書侍郎郭正一吏部侍郎魏玄同並同中書門下同承受進止平章事上謂叅知政事崔知溫曰待舉等歷任尚淺且令預聞政事未可即與卿等同名稱自是外司四品已下知政事者遂以平章爲名五月壬寅置東都苑摠監自丙午連日澍雨洛水溢壞天津及中橋立德弘教景行諸坊溺居民千餘家六月關中初雨麥苗澇損後旱京兆岐隴螟蝗食苗並盡加以民多疫癘死者枕藉於路詔所在官司埋瘞丁丑以岐州刺史蘇良嗣爲雍州長史京師人相食寇盜縱橫秋七月己亥造奉天宮於嵩山之陽仍置嵩陽縣又於藍田造萬全宮庚申零陵王明薨是秋山東大水民饑吐蕃寇柘松翼等州冬十月甲子京師地震丙寅黃門侍郎劉景先同平章事十二月南天竺于闐各獻方物突厥餘黨阿史那骨篤祿等招合殘衆據黑沙城入寇并州北境

二年春正月甲午朔幸奉天宮遣使祭嵩岳少室箕山具茨等山西
王母啓母巢父許由等祠二月甲午洛州長史李仲玄爲宗正卿庚
午突厥寇定州媯州之境巳卯左領軍衛大將軍薛仁貴卒三月庚
寅突厥阿史那骨篤祿阿史德元珍等圍單于都護府丙午慧見五
車北二十五日而滅癸丑中書令崔知溫卒夏四月巳巳還東都甲
申絳州部白鐵余據城平縣反命將軍程務挺將兵討之五月庚寅
幸芳桂宮阻雨還東都突厥寇蔚州殺刺史李思儉豐州都督崔智
辨率師出朝那山掩擊之爲賊所敗遂寇嵐州秋七月巳丑封皇孫
重福爲唐昌郡王甲辰相王輪改封豫王仍名旦巳丑令唐昌郡王
重福爲京留守劉仁軌副之召皇太子至東都已巳河水溢壞河陽
城水面高於城內五尺北至鹽坎居人廬舍漂沒皆盡南北並壞庚
戌災惑入輿鬼犯質星十一月皇太子來朝癸亥幸奉天宮時天后
自封岱之後勸上封中岳每下詔草儀注卽歲饑邊事警急而止至
是復行封中岳禮上疾而止上苦頭重不可忍侍醫秦鳴鶴曰刺頭

微出血可愈天后惟中言曰此可斬欲刺血於人主首耶上曰吾苦
頭重出血未必不佳即刺百會上曰吾眼明矣戊戌命將軍程務挺
爲單于道安撫大使以招討摠管材山賊元珍骨篤祿賀魯等詔皇
太子監國裴炎劉齊賢郭正一等於東宮同平章事丁未自奉天宮
還東都上疾甚宰臣已下並不得謁見十二月己酉詔改永淳二年
爲弘道元年將宣赦書上欲親御則天門樓氣逆不能上馬遂召百
姓於殿前宣之禮畢上問侍臣曰民庶喜否曰百姓蒙赦無不感悅
上曰蒼生雖喜我命危篤天地神祇若延吾一兩月之命得還長安
死亦無恨是夕帝崩於真觀殿時年五十六宣遺詔七日而殯皇太
子即位于柩前園陵制度務從節儉軍國大事有不決者取天后處
分群臣上謚曰天皇大帝廟號高宗文明元年八月庚寅葬于乾陵
天寶十三載改謚曰天皇大弘孝皇帝

史臣曰大帝往在藩儲見稱長者暨昇旒袞頓異明哉虛襟似納於
觸鱗下詔無殊於扇暍旣蕩情於帷簿遂忽急於基扃惑麥斛之佞

言中宮被毒聽趙師之誣說元舅啣冤忠良自是脅肩姦佞於焉得志卒致盤維盡戮宗社爲墟古所謂一國爲一人興前賢爲後愚廢信矣哉

贊曰藉文鴻業僅保餘位封岱禮天其德不類伏戎于寢構堂終墜自蘊禍胎邦家殄瘁

唐書本紀卷第五

唐書本紀卷第六

劉昫等修

聞人詮校刻沈桐同校

則天皇后

則天皇后武氏諱曩并州文水人也父士彥隋大業末爲鷹揚府隊正高祖行軍於汾晉毋休止其家義旗初起從平京城貞觀中累遷工部尚書荊州都督封應國公初則天年十四時太宗聞其美容止召入宮立爲才人及太宗崩遂爲尼居感業寺大帝於寺見之復召入宮拜昭儀時皇后王氏良娣蕭氏頻與武昭儀爭寵互讒毀之帝皆不納進號宸妃永徽六年廢王皇后而立武宸妃爲皇后高宗稱天皇武后亦稱天后后素多智計兼涉文史帝自顯慶已後多苦風疾百司表奏皆委天后詳決自此內輔國政數十年威勢與帝無異當時稱爲二聖

弘道元年十二月丁巳大帝崩皇太子顯即位尊天后爲皇太后既

將篡奪是日自臨朝稱制庚午加授澤州刺史韓王元嘉爲太尉豫州刺史滕王元嬰爲開府儀同三司絳州刺史魯王靈夔爲太子太師相州刺史越王貞爲太子太傅安州都督紀王慎爲太子太保元嘉等地尊望重恐其生變故進加虛位以安其心甲戌劉仁軌爲尚書左僕射岑長倩爲兵部尚書魏玄同爲黃門侍郎並依舊知政事劉齊賢爲侍中裴炎爲中書令

嗣聖元年春正月甲申朔改元二月戊午廢皇帝爲廬陵王幽于別所仍改賜名哲已未立豫王輪爲皇帝令居於別殿大赦天下改元文明皇太后仍臨朝稱制庚午廢皇太孫重照爲庶人太常卿兼豫州府長史王德貞爲侍中中書侍郎豫王府司馬劉禕之同中書門下三品三月庶人賢死于巴州夏四月滕王元嬰薨改封畢王上金爲澤王葛王素節爲許王丁丑遷廬陵王哲於均州閏五月禮部尚書武承嗣同中書門下三品秋七月突厥骨咄祿元珍寇朔州命左威衛大將軍程務挺拒之彗星見西北方長二丈餘經三十日乃

滅九月大赦天下改元為光宅旗幟改從金色飾以紫畫以雜文改東都為神都又改尚書省及諸司官名初置右肅政御史臺官員故司空李勣孫柳州司馬徐敬業偽稱揚州司馬殺長史陳敬之據揚州起兵自稱上將以匡復為辭冬十月楚州司馬李崇福率所部三縣以應敬業命左玉鈐衛大將軍李孝逸為大總管率兵三十萬以討之殺內史裴炎丁酉追削敬業父祖官爵復其本姓徐氏十二月前中書令薛元超卒殺左威衛大將軍程務挺

垂拱元年春正月以敬業平大赦天下改元劉仁軌薨三月遷廬陵王哲於房州頒下親撰垂拱格於天下夏四月內史蘇味道左授青州刺史五月秋官尚書裴居道為內史納言王德真配流象州冬官尚書蘇良嗣為納言詔内外文武九品已上及百姓咸令自舉是夏大旱

二年春正月皇太后下詔復政於皇帝以皇太后既非實意乃固讓皇太后仍依舊臨朝稱制大赦天下初令都督刺史並準京官帶魚

三月初置匾於朝堂有進書言事者聽投之由是人間善惡事多所知悉夏四月岑長倩爲內史六月蘇良嗣爲文昌左相天官尚書韋待價爲文昌右相並同鳳閣鸞臺三品右肅政御史大夫韋思謙爲納言

三年春正月封王子成義爲恒王隆基爲楚王隆範爲衛王隆業爲趙王二月韋思謙請致仕許之夏四月裴居道爲納言夏官侍郎張光輔爲鳳閣侍郎同鳳閣鸞臺平章事庚午劉禕之賜死於家秋八月地官尚書魏玄同檢校納言

四年春二月毀乾元殿就其地造明堂山東河南甚飢乏詔司屬卿王及善司府卿歐陽通冬官侍郎狄仁傑巡撫賑給夏四月魏王武承嗣僞造瑞石文云聖母臨人永昌帝業今雍州人唐同泰表稱獲之洛水皇太后大悅號其石爲寶圖擢授同泰游擊將軍五月皇太后加尊號曰聖母神皇秋七月大赦天下改寶圖曰天授聖圖封洛水神爲顯聖加位特進并立廟就水側置永昌縣天下大酺五日八

月壬寅博州刺史琅耶王冲據博州起兵命左金吾大將軍丘神勣
爲行軍總管討之庚戌冲父豫州刺史越王貞又舉兵於豫州與冲
相應九月命內史岑長倩鳳閣侍郎張光輔左監門大將軍鞠崇裕
率兵討之丙寅斬貞及冲等傳首神都改姓爲虺氏曲赦博州韓王
元嘉魯王靈夔元嘉子黃國公譔靈夔子左散騎常侍范陽王藹霍
王元軌及子江都王緒故號王元鳳子東莞公融坐與貞通謀元嘉
靈夔自殺元軌配流黔州譔等伏誅改姓虺氏自是宗室諸王相繼
誅死者殆將盡矣其子孫年幼者咸配流嶺外誅其親黨數百餘家
十二月神皇拜洛水受天授聖圖是日還宮明堂成

永昌元年春正月神皇親享明堂大赦天下改元大酺七日三月張
光輔爲內史武承嗣爲納言夏四月誅將王暉道王元慶徐王元禮
曹王明等諸子孫徙其家屬於雋州五月命文昌右相韋待價爲安
息道大摠管以討吐蕃六月令文武官五品已上各舉所知秋七月
紀王慎被誣告謀反載以檻車流于巴州改姓虺氏韋待價坐遲留

不進士卒多飢饉而死配流繡州八月左肅政御史大夫王本立同鳳閣鸞臺三品辛巳誅內史張光輔九月納言魏玄同賜死于家冬十月春官尚書范履冰鳳閣侍郎邢文偉並同鳳閣鸞臺平章事改羽軍百騎爲千騎

載初元年春正月神皇親享明堂大赦天下依周制建子月爲正月改永昌元年十一月爲載初元年十二月爲臘月改舊正月爲一月大酺三日神皇自以墨字爲名遂改詔書爲制書春一月蘇良嗣爲特進武承嗣爲文昌左相岑長倩爲文昌右相裴居道爲太子少傅並依舊同鳳閣鸞臺三品鳳閣侍郎武攸寧爲納言邢文偉爲內史秋七月殺豫章王亶遷其父舒王元各於和州有沙門十人僞撰大雲經表上之盛言神皇受命之事制頒於天下今諸州各置大雲寺揔度僧千人丁亥殺隨州刺史澤王上金舒州刺史許王素節并其子數十人九月九日壬午革唐命改國號爲周改元爲天授大赦天下賜酺七日乙酉加尊號曰聖神皇帝降皇帝爲皇嗣丙戌初立武

氏七廟於神都追尊神皇父贈太尉太原王士護爲孝明皇帝兒子
文昌左相承嗣爲魏王天官尚書三思爲梁王堂姪懿宗等十二人
爲郡王司賓御史務滋爲納言鳳閣侍郎宗秦客爲內史給事中傅
游藝爲鸞臺侍郎仍依舊知鳳閣鸞臺平章事令史務滋等十人分
道存撫天下改內外官所佩魚並作龜冬十月改并州文水縣爲武
興縣依漢豐沛例百姓子孫相承給復

二年正月親祀明堂春三月改唐太廟爲享德廟夏四月令釋教在
道法之上僧尼處道士女冠之前六月命岑長倩率諸軍討吐蕃左
肅政御史大夫格輔元爲地官尚書鸞臺侍郎樂思晦並同鳳閣鸞
臺平章事秋七月徙關內雍同等七州戶數十萬以實洛陽分京北
置鼎稷鴻宜四州夏官尚書歐陽通知納言事九月傅游藝下獄死
右羽林衛大將軍建昌王攸寧爲納言洛州司馬狄仁傑爲地官侍
郎同鳳閣鸞臺平章事冬十月制官人者咸令自舉殺文昌左相
岑長倩納言歐陽通地官尚書格輔元

三年正月親祀明堂春一月冬官尚書楊執柔同鳳閣鸞臺平章事
三月五天竺國並遣使朝貢四月大赦天下改元爲如意禁斷天下
屠殺秋七月大雨洛水汎溢漂流人居五千餘家遣使巡問賑貸八
月魏王承嗣爲特進建昌王攸寧爲冬官尚書楊執柔爲地官尚書
並罷知政事秋官侍郎崔元琮爲鸞臺侍郎夏官侍郎李昭德爲鳳
閣侍郎~~兼~~天官侍郎姚璿爲文昌左丞地官侍郎李元素爲文昌右
丞並同鳳閣鸞臺平章事九月大赦天下改元爲長壽改用九月爲
杜大酺七日并州改置北都冬十月武威軍總管王孝傑大破吐蕃
復龜茲于闐踈勒碎葉鎮

二年春二月親享明堂癸亥殺皇嗣妃劉氏竇氏臘月改封皇孫成
器爲壽春郡王宜王成義爲衡陽郡王隆基爲臨淄郡王衛王隆範
爲巴陵郡王隆業爲彭城郡王春二月尚方監裴匪躬坐潛謁皇嗣
腰斬於都市秋九月上加金輪聖神皇帝號大赦天下大酺七日辛
丑司賓卿巨盧欽望呂內史文昌右丞韋巨源同鳳閣鸞臺平章事

秋官侍郎陸元方爲鸞臺侍郎同鳳閣鸞臺平章事

三年春一月親享明堂三月鳳閣侍郎李昭德檢校內史鸞臺侍郎蘇味道同鳳閣鸞臺平章事韋巨源爲夏官侍郎依舊知政事四月夏官尚書王孝傑同鳳閣鸞臺三品五月上加尊號爲越古金輪聖神皇帝大赦天下改元爲延載大酺七日秋八月司賓少卿姚璿爲納言左肅政御史中丞楊再思爲鸞臺侍郎洛川司馬杜景儉爲鳳閣侍郎仍並同鳳閣鸞臺平章事梁王武三思勸率諸蕃酋長奏請大徵斂東都銅鐵造天樞於端門之外立頌以紀上之功業九月內史李昭德左授欽州南賓縣尉冬十月文昌右丞李元素爲鳳閣鸞臺平章事

證聖元年春一月上加尊號曰慈氏越古金輪聖神皇帝大赦天下改元大酺七日戊子豆盧欽望韋巨源杜景儉蘇味道陸元方並左授趙郡集綏等州刺史丙申夜明堂災至明而並從煨燼庚子以明堂災告廟手詔責躬令内外文武九品已上各上封事極言正諫春

二月上去慈氏越古尊號秋九月親祀南郊加尊號天冊金輪聖神
皇帝大赦天下改元爲天冊萬歲大辟罪已下及犯十惡常赦所不
原者咸赦除之大酺九日萬歲登封元年臘月甲申上登封于嵩嶽
大赦天下改元大酺九日丁亥禪于少室山己丑又制內外官三品
已上通前賜野二等四品已下加兩階洛州百姓給復

二年癸巳至自嵩嶽甲午親謁太廟春一月重造明堂成夏四月親
享明堂大赦天下改元爲萬歲通天大酺七日以天下大旱命文武
官九品以上極言時政得失五月營州城傍契丹首領松漠都督李
盡忠與其妻兄媽誠州刺史孫萬榮殺都督趙文觀舉兵反攻陷營
州盡忠自號可汗乙丑命鷹揚將軍曹仁師右金吾大將張玄遇右
武威大將軍李多祚司農少卿麻仁節等二十八將討之秋七月命
春官尚書梁王三思爲安撫大使納言姚璿爲之副制改李盡忠爲
盡滅孫萬榮爲萬斬秋八月張玄遇曹仁師麻仁節與李盡滅戰于
西碛石黃虜谷官軍敗績玄遇仁節並爲賊所虜九月命右武衛大

將軍建安王攸宜爲大摠管以討突丹并州長史王方慶爲鳳閣侍郎與殿中監李道廣並同鳳閣鸞臺平章事吐蕃寇涼州都督許欽明爲賊所執庚申王方慶爲鳳閣侍郎仍依舊知政事李盡滅死其黨孫萬斬代領其衆冬十月孫萬斬攻陷箕州刺史陸寶積死之十一月又陷瀛州屬縣

二年正月親享明堂鳳閣侍郎李元素夏官侍郎孫元亨坐與恭連耀謀反伏誅原州都督府司馬婁師德爲鳳閣侍郎同鳳閣鸞臺平章事春二月王孝傑蘇宏暉等率兵十八萬與孫萬斬戰于硤石谷王師敗績孝傑沒於陣宏暉棄甲而遁夏四月鑄九鼎成置于明堂之庭前益州大都督府長史王及善爲內史五月命右金吾大將軍河內王懿宗爲大摠管右肅政御史大夫婁師德爲副大摠管右武威衛大將軍沙吒忠義爲前軍摠管率兵二十萬以討孫萬斬六月內史李昭德司業少卿來俊臣以罪伏誅孫萬斬爲其家奴所殺餘黨大潰魏王承嗣梁王三思並同鳳閣鸞臺三品秋八月納言姚璿爲

益州大都督府長史九月以契丹李盡滅等平大赦天下改元爲神
功大酺七日婁師德爲納言冬十月前幽州都督狄仁傑爲鸞臺侍
郎司刑卿杜景儉爲鳳閣侍郎並同鳳閣鸞臺平章事

聖曆元年正月親享明堂大赦天下改元大酺九日春三月召廬陵
王哲於房州夏五月禁天下屠殺突厥默啜上言有女請和親秋七
月令淮陽王武延秀往突厥納默啜女爲妃遣右豹韜衛大將軍閻
知微攝春官尚書赴虜庭八月突厥默啜以延秀非唐室諸王乃囚
於別所率衆與閻知微入寇媯檀等州命司屬卿高平王重規右武
威衛大將軍沙叱忠義幽州都督張仁亶右羽林衛大將軍李多祚
等率兵二十萬逆擊方放延秀還己丑默啜攻陷定州刺史孫彥高
死之焚燒百姓廬舍遇害者數千人魏王承嗣卒庚子梁王三思爲
內史狄仁傑爲納言九月建昌王攸寧同鳳閣鸞臺平章事默啜攻
陷趙州刺史高敞遇害子廬陵王哲爲皇太子令依舊名顯大赦天
下大酺五日令納言狄仁傑爲河北道行軍元帥辛巳皇太子謁太

廟天官侍郎蘇味道鳳閣侍郎同鳳閣鸞臺平章事癸未默啜盡殺所掠趙定州男女萬餘人從五迴道而去所至殘害不可勝紀冬十月夏官侍郎姚元崇麟臺少監李嶠並同鳳閣鸞臺平章事是月閻知微自突厥叛歸族誅之

二年春二月封皇嗣旦爲相王初爲寵臣張易之及其弟昌宗置控鶴府官貞尋改爲奉宸府班在御史大夫下左肅政御史中丞魏元忠爲鳳閣侍郎吉頊爲天官侍郎並同鳳閣鸞臺平章事戊子幸嵩山過王子晉廟丙申幸緱山丁酉至自嵩山夏四月吐蕃大論贊婆來奔秋七月上以春秋高慮皇太子相王與梁王武三思定王武攸寧等不協令立誓文於明堂八月王及善爲文昌左相豆盧欽望爲文昌右相仍並同鳳閣鸞臺三品冬十月乙亥幸福昌縣王及善薨三年正月戊寅梁王三思爲特進天官侍郎吉頊配流嶺表臘月辛巳封皇太子男重潤爲召王狄仁傑爲內史戊寅幸汝州之温湯甲戌至自溫造三陽宮于嵩山春三月李嶠爲鸞臺侍郎知政事如故

夏四月戊申幸三陽宮五月癸丑上以所疾康復大赦天下改元爲久視停金輪等尊號大酺五日六月魏元忠爲左肅政御史大夫仍舊知政事是夏大旱秋七月至自三陽宮天官侍郎張錫爲鳳閣侍郎同鳳閣鸞臺平章事其甥鳳閣鸞臺平章事李嶠爲成均祭酒罷知政事壬寅制曰隋尚書令楊素昔在本朝早荷殊遇稟凶邪之德有諂佞之才惑亂君上離間骨肉搖動冢嫡寧唯握蠱之楫誘扇後王卒成請蹠之費隋室喪亡蓋惟多僻究其萌兆職此之由生爲不忠之人死爲不義之鬼身雖幸免子竟族誅斯則姦逆之謀是爲庭訓險薄之行遂成門風刑戮雖加枝胤仍在何得肩隨近侍齒列朝行朕接統百王恭臨四海上嘉賢佐下惡賊臣常欲從容於萬機之餘褒貶於千載之外况年代未遠耳目所存者乎其楊素及兄弟子孫已下並不得令任京官及侍衛九月內史狄仁傑卒冬十月甲寅復舊正朔改一月爲正月仍以爲歲首正月依舊爲十一月大赦天下韋巨源爲地官尚書文昌左丞韋安石爲鸞臺侍郎同鳳閣鸞臺

平章事丁卯幸新安曲赦其縣壬申至自新安十二月開屠禁諸祠祭令依舊用牲牢大足元年春正月制改元二月鸞臺侍郎李懷遠同鳳閣鸞臺平章事三月姚元崇爲鳳閣侍郎依舊知政事丙申鳳閣侍郎張錫坐贓配循州夏五月幸三陽宮命左肅政御史大夫魏元忠爲摠管以備突厥天官侍郎顧琮同鳳閣鸞臺平章事六月夏官侍郎李迥秀同鳳閣鸞臺平章事辛未曲赦告城縣秋七月甲戌至自三陽宮九月召王重潤爲易之讒構令自死冬十月幸京師大赦天下改元爲長安

二年春正月突厥寇鹽夏等州殺掠人吏秋九月乙丑日有蝕之不盡如鈞京師及四方見之冬十月日本國遣使貢方物十一月相王旦爲司徒戊子親祀南郊大赦天下

三年春三月壬戌日有蝕之夏四月庚子相王旦表讓司徒許之改文昌臺爲中臺李嶠知納言事六月寧州雨水暴漲漂流二千餘家溺死者千餘人秋七月殺右金吾大將軍唐休景秋九月正諫大

夫朱敬則鳳閣鸞臺平章事戊申相王旦爲雍州牧是月御史大夫兼知政事太子右庶子魏元忠爲張昌宗所譖左授端州高要尉京師大雨雹人畜有凍死者冬十月丙寅駕還神都乙酉至自京師四年春正月造興泰宮於壽安縣之萬安山天官侍郎韋嗣立爲鳳閣侍郎同鳳閣鸞臺平章事朱敬則請致仕許之三月進封平恩郡王重福爲譙王夏官侍郎宗楚客同鳳閣鸞臺平章事夏四月韋安石知納言事李嶠知內史事丙子幸興大宮六月天官侍郎崔玄暉同鳳閣鸞臺平章事李嶠爲國子祭酒知政事如故七月丙戌楊再思爲內史甲午至自興泰宮宗楚客左授原州都督八月姚元崇爲司僕卿知政事韋安石檢校揚州大都督府長史冬十月秋官侍郎張柬之同鳳閣鸞臺平章事十一月李嶠爲地官尚書張柬之爲鳳閣鸞臺平章事自九月至於是日夜陰晦大雨雪都中人有飢凍死者今官司開倉賑給

神龍元年春正月大赦政元上不豫制自文明元年已後得罪人除

揚豫博三州及諸逆魁首咸赦除之癸亥麟臺監張易之與弟司僕
御昌宗及皇太子率左右羽林軍相彥範敬暉等以羽林兵入禁中
誅之甲辰皇太子監國摠統萬機大赦天下是日上傳皇帝位于皇
太子徙居上陽宮戊申皇帝上尊號曰則天大聖皇帝冬十一月壬
寅則天將大漸遺制祔廟歸陵令去帝稱則天大聖皇后其王蕭二
家及褚遂良韓瑗等子孫親屬當時緣累者咸令復業是日崩于上
陽宮之仙居殿年八十三謚曰則天大聖皇后二年五月庚申祔葬
于乾陵睿宗即位詔依上元年故事號爲天后未幾追尊爲大聖天
后改號爲則天皇后太后嘗召文學之士周思茂范履冰衛敬業
令撰玄覽及古今內範各百卷青宮紀要少陽政範各三十卷維
城典訓鳳樓新誡孝子列女傳各二十卷內軌要略樂書要錄各十
卷百寮新誡兆人本業各五卷臣範兩卷垂拱格四卷并文集一百
二十卷藏于秘閣

史臣曰治亂時也存亡勢也使桀紂在上雖十堯不能治使堯舜在

上雖十桀不能亂使懦夫女子乘時得勢亦足坐制羣生之命肆行不義之威觀夫武氏稱制之年英才接軫靡不痛心於家索扼腕於朝危竟不能報先帝之恩衛吾君之子俄至無事被陷引頸就誅天地爲籠去將安所悲夫昔掩鼻之讒古稱其毒人彘之酷世以爲冤武后奪嫡之謀也振喉絕樞襍之兒趙醢碎椒塗之骨其不道也甚矣亦姦人妬婦之恒態也然猶汎延讓議時禮正人初雖牝雞司晨終能復子明辟飛語辯元忠之罪善言慰仁傑之心尊時憲而抑幸臣聽忠言而誅酷吏有旨哉有旨哉

贊曰龍聚易貌丙殿昌儲胡爲穹昊生此瓊魘寇藪神器穢褻皇居窮妖白首降鑒何如

唐書本紀卷第六

唐書本紀卷第七

劉 昫 等修

聞人詮校刻沈桐同校

中宗

睿宗

中宗大和聖昭孝皇帝諱顯高宗第七子母曰則天順聖皇后顯慶元年十一月乙丑生於長安明年封周王授洛州牧儀鳳二年徙封英王改名哲授雍州牧永隆元年章懷太子廢其年立爲皇太子弘道元年十二月高宗崩遺詔皇太子柩前即帝位皇太后臨朝稱制改元嗣聖元年二月皇太后廢帝爲廬陵王幽於別所其年五月遷於均州尋徙居房陵聖曆元年召還東都立爲皇太子依舊名顯時張易之與弟昌宗潛圖逆亂神龍元年正月鳳閣侍郎張柬之鸞臺侍郎崔玄暉左羽林將軍敬暉右羽林將軍桓彥範司刑少卿袁恕已等定策率羽林兵誅易之昌宗迎皇太子監國摠司庶政大赦天下鳳閣侍郎韋承慶正諫大夫房融司禮卿韋慶等下獄甲辰命地

官侍郎樊忱往京師告廟陵司刑少卿兼王府司馬袁恕已爲鳳閣
鸞臺平章事乙巳則天傳位於皇太子丙午即皇帝位於通天宮大
赦天下唯易之黨與不在原限爲周興來俊臣所枉陷者咸令雪免
內外文武官加兩階三品已上加爵二等入五品等特減四考大酬
五日以并州牧相王旦及太平公主有誅易之兄弟功相王加號安
國相王進拜太尉同鳳閣鸞臺三品公主加號鎮國太平公主仍賜
實封通前滿五千戶皇親先被配沒者子孫令復屬籍仍量叙官爵
出宮女三千丁未天后徙居上陽宮庚戌鳳閣侍郎同鳳閣鸞臺平
章事張柬之爲夏官尚書同鳳閣鸞臺三品封漢陽郡公鸞臺侍郎
兼檢校太子右庶子同鳳閣鸞臺平章事崔暉爲守內史封博陵郡
公袁恕已同鳳閣鸞臺三品封南陽郡公敬暉爲納言平陽郡公相
彥範爲納言譙郡公並加銀青光祿大夫賜實封五百戶右羽林大
將軍遼國公李多祚進封遼陽郡王賜實封六百戶內直郎駙馬都
尉王同皎爲雲麾將軍右千牛將軍琅耶郡公食實封五百戶並賞

誅張易之兄弟功其餘封各有差上天后尊號爲則天大聖皇帝二月甲寅復國號依舊爲唐社稷宗廟陵寢郊祀行軍旗幟服色天地日月寺宇臺閣官名並依永淳已前故事神都依舊爲東都北都爲并州大都督府老君依舊爲玄元皇帝諸州百姓免今年租稅房州百姓給復三年改左右肅政臺爲左右御史臺韋承慶貶高要尉房融配流欽州中書令楊再思爲戶部尚書同中書門下三品京留守太僕卿同中書門下三品姚元之出爲亳州刺史已未封堂兄左金吾將軍鬱林郡公千里爲成紀郡王左金吾衛大將軍實封五百戶令貢舉人停習臣軌依舊習老子甲好妃韋氏爲皇后大赦天下內外官陪位者賜勳一轉大酺三日後父故豫州刺史玄貞爲上洛郡王后母崔氏贈上洛郡王妃初韓王元嘉霍王元軌等自垂拱以來皆遭非命是日追復官爵令備禮改葬有胤嗣者即令承襲無胤嗣者聽取親爲後詔九品已上及集朝使極言朝政得失兼舉賢良方正直言極諫之士丙寅左散騎常侍譙王重福貶濮州貞外刺史不

知州事特進太子賓客梁王武三思爲司空同中書門下三品加實封五百戶通前一千五百戶丁卯右散騎常侍定安郡王駙馬都尉武攸暨封定王爲司徒更加實封四百戶通前一千戶辛未上往觀風殿朝天后太尉安國相王旦固讓太尉及知政事遂從其請甲戌國子祭酒祝欽明同中書門下三品黃門侍郎知侍中事韋安石爲刑部尚書罷知政事丙子諸州置寺觀一所以中興爲名丁丑武三思固讓司空同中書門下三品武攸暨固讓司徒封王許之改封義興郡王重俊爲衛王北海郡王重茂爲溫王三月辛巳追復故司空英國公李勣官爵令所司爲起墳改葬甲申制文明已來破家臣寮所有子孫並還資廢其揚州構逆徒黨唯徐敬業一房不在免限餘並原宥丁亥廢左右司員外郎其酷吏劉光業王德壽王處貞屈貞筠劉景陽等五人雖已身死官爵並宜追奪景陽見在貶祿州樂單尉丘神勣來子珣萬國俊周興來俊臣魚承曄王景昭索元禮傳遊藝王弘義張知默裴籍焦仁竇侯思立郭霜李敬仁皇甫文備陳嘉

言等雖已身死並宜除名唐奉一配流李秦授曹仁哲並改與嶺南
遠惡處已丑中書侍郎兼檢校相王府長史南陽郡公袁恕已爲中
書令兼檢校安國相王府長史詔曰君臣朝序貴賤之禮斯殊兄弟
大倫先後之儀亦異聖人之制率由斯道朕臨茲寶極位在崇高負
扈當陽雖受宗枝之敬退朝私謁仍用家人之禮近代以來罕尊軌
度上及公主曲致私情姑叔之尊拜於子姪違法背禮情用惻然自
今已後宜從革弊安國相王某及鎮國太平公主更不得輒拜衛王
重俊兄弟及長寧公主姊妹等宜告宗屬知朕意焉先是諸王及公
主皆以親爲貴天子之子諸姑叔見之必先致拜若致書則稱爲啓
事上志欲敦睦親族故下制革之庚寅衛王重俊上洛州牧王乘駟
馬車鹵簿從諸王公已下中書門下五品已上及諸親並祖送禮儀
甚盛事畢賜物有差辛卯以故司僕少卿徐有功執法平恕追贈越
州都督并授一子官戊戌左右千牛衛各置大將軍一員罷奉宸府
官員以安北大都護安國相王旦爲左右千牛大將軍每大朝會內

供奉丙午改秋社依舊用仲秋戊申相王旦於太常廳上王公諸親
祖送衛尉張設光祿造食禮畢賜物如衛王上洛州牧之儀夏四月
乙丑端州尉魏元忠爲衛尉卿同中書門下三品甲戌左庶子韋安
石爲吏部尚書太子賓客李懷遠爲右散騎常侍右庶子唐休璟爲
輔國大將軍右庶子崔玄暉爲特進檢校益州大都督府長史判都
督事右庶子西留守戶部尚書弘農郡公楊再思爲檢校揚州大都
督府長史判都督事少詹事兼侍讀國子祭酒祝欽明爲刑部尚書
並依前知政事以上在春宮故僚也乙亥張東之爲中書令戊寅追
贈郡王重潤爲懿德太子同官縣大雨雹燕雀多死漂溺居人四百
家遣使賑給五月壬午遷武氏七廟神主于西京崇尊廟東都創置
太廟社稷戊子制依舊以周隋爲二王後壬辰封成紀郡王千里爲
成王癸巳侍中敬暉封爲平陽郡王侍中栢彥軌扶陽郡王賜姓韋
氏中書令張柬之漢陽郡王中書令袁恕已南陽郡王特進崔玄暉
海陵郡王並加授特進罷知政事吏部尚書韋安石爲兼中書令兵

部尚書魏元忠爲兼侍中丙申皇后表請天下士庶爲出母爲三年
服年二十二成丁五十九免役癸卯降梁王武三思爲德靜郡王定
王武攸暨爲樂壽郡王河內王武懿宗等十餘人並降爲國公甲辰
特進芮國公豆盧欽望爲尚書左僕射輔國大將軍酒泉郡公唐休
璟爲尚書右僕射依舊同中書門下三品丙午制以鄒魯之邑百戶
爲太師隆道公宣尼萊邑用供薦享又授裔孫褒聖侯崇基朝散大
夫仍許子孫傳襲六月丁巳河北十七州大水漂沒人居癸亥尚書
左僕射豆盧欽望軍國重事中書門下可共平章檢校中書令韋安
石中書令兼檢校吏部尚書檢校侍中魏元忠兼檢校兵部尚書楊
再思兼戶部尚書兼檢校中書令丁卯祔孝敬皇帝神主於太廟廟
號義宗非禮也戊辰洛水暴漲壞廬舍二千餘家溺死者甚衆秋七
月辛巳太子賓客韋巨源同中書門下三品乙未以特進漢陽郡王
張柬之爲襄州刺史仍不知州事八月戊申以水災令文武官九品
以上直言極諫河南洛陽百姓被水兼損者給復一年甲子追冊故

妃趙氏爲恭皇后尊敬妃裴氏爲皇后乙亥上親柎太祖景皇帝獻
祖光皇帝世祖元皇帝高祖神堯皇帝皇祖太宗文武皇帝皇考高
宗天皇大帝皇兄義宗孝敬皇帝神主于太廟皇后廟見丁丑御洛
城南門觀闕象九月壬午親祀明堂大赦天下禁化胡經及婚娶之
家父母親亡停喪成禮天下大酺三日戊戌太子賓客韋巨源爲禮
部尚書依舊知政事冬十月癸亥幸龍門香山寺乙丑幸新安改弘
文館爲修文館辛未魏元忠爲中書令楊再思爲侍中十一月戊寅
加皇帝尊號曰應天皇后尊號曰順天壬午皇帝皇后親謁太廟告
授徽號之意大赦天下賜酺三日巳丑御洛城南門樓觀發寒胡戲辛
丑衛王重俊爲左衛大將軍遙領揚州大都督溫王重茂爲右衛大
將軍遙領并州大都督十二月壬寅則天皇太后崩

二年春正月丙申護則天靈駕還京戊戌吏部尚書李嶠同中書門
下三品中書侍郎于惟謙同中書門下平章事閏月丙午朔置公主
府官員乙卯以特進敬暉相彥範袁恕已等三人爲滑洛豫刺史二

月乙未刑部尚書韋巨源同中書門下三品遣十使巡察風俗丙申
僧會軌道士史崇玄等十餘人授官封公以賞造聖善寺功也三月
甲辰中書令韋安石爲戶部尚書罷知政事戶部尚書蘇瓌爲侍中
京留守乙巳黃霧四塞唐休璟請致仕許之庚戌殺光祿御駙馬都
尉王同皎壬子洛陽城東七里許地色如水側近樹木往來車馬歷
歷影見水中經月餘乃滅是月大置員外官自京諸司及諸州佐凡
二千餘人超授闈官七品已上及員外者千餘人壬戌贈后父韋玄
貞太師益州都督夏四月甲戌又贈玄貞爲鄴王玄貞第四人並贈
郡王已卯左散騎常侍同中書門下三品李懷遠請致仕許之辛巳
洛水暴漲壞天津橋六月戊寅特進朗州刺史平陽郡王敬暉貶崖
州司馬特進亳州刺史扶陽郡王栢彥範龍州司馬特進鄧州刺史
袁恕已竇州司馬特進均州刺史博陵郡王崔玄暉白州司馬特進
襄州刺史漢陽郡王張柬之新州司馬並員外置長任舊官封爵並
追奪秋七月丙午立衛王重俊爲皇太子丙寅中書令兼檢校兵部

尚書齊國公魏元忠爲尚書右僕射兼中書令仍知兵部事吏部尚書李嶠爲中書令刑部尚書韋巨源爲吏部尚書依舊同中書門下三品庚午禮部尚書祝欽明爲中丞蕭至忠所劾前左散騎常侍李懷遠爲左散騎常侍同中書門下三品東都留守九月祝欽明貶青州刺史壬寅幸白馬寺戊午左散騎常侍李懷遠卒壬寅置戶部侍郎一員冬十月己卯車駕還京師戊戌至自東都十一月乙巳大赦天下行從文武官賜勲一轉改河南爲合宮洛陽爲永昌嵩陽爲乾封陽城爲告城戊午兼秘書鄭普思坐妖逆配流儋州其黨與皆伏誅十二月己卯突厥默啜寇靈州鳴沙縣靈武軍大揔管沙吒忠義逆擊之官軍敗績死者三萬丁巳突厥進寇原會等州掠隴右牧馬萬餘而去甲申募能斬默啜者封授諸大衛大將軍丙戌以突厥犯邊京師亢旱令減膳徹樂河北水大飢命侍中蘇瓌存撫賑給丙申特進尚書左僕射兼安國相王府長史芮國公豆盧欽望爲開府儀同三司依舊平章事軍國重事尚書右僕射兼中書令知兵部事齊

國公魏元忠爲尚書左僕射兼中書令仍兼知兵部事是冬牛大疫
三年春正月庚子朔不受朝會喪未再葬也庚戌以默啜寇邊制募
猛士武藝超絕者各令自舉內外羣官各進破滅突厥之策丙辰以
旱親錄囚徒已已遣武攸暨武三思往乾陵祈雨于則天皇后既而
雨降上大感悅二月辛未制武氏崇恩廟依舊享祭仍置五品令七
品丞其吳陵順陵置令丞如廟壬午贈太師鄧王廟號哀德陵號榮
先置六品令八品丞庚寅改中興寺觀爲龍興內外不得言中興辛
卯幸安樂公主宅三月丙子吐蕃贊普遣大臣悉董熱獻方物是春
自京師至山東疾疫民死者衆河北河南大旱夏四月辛巳以嗣雍
王守禮女爲金城公主出降吐蕃替晉庚寅幸薦福寺曲赦雍州五
月戊戌左屯衛大將軍兼檢校潞州長史張仁亶爲朔州道大摠管
以備突厥丙午突厥默啜殺我行人臧思言六月丁卯朔日有蝕之
戊子姚萇道討擊使侍御史唐九徵擊姚州叛蠻破之俘虜三千計
遂於其處勒石紀功焉是夏山東河北二十餘州旱飢饉疾疫死者

數千計遣使賑卹之秋七月庚子皇太子重俊與羽林將軍李多祚等率羽林千騎兵三百餘人誅武三思武譔遂引兵自肅章門斬關而入帝惶遽登玄武樓重俊引兵至上自臨軒諭之衆遂散去殺李多祚重俊出奔至鄆縣爲部下所殺癸卯大赦天下八月丙子改玄武門爲神武門樓爲制勝樓丙戌左僕射兼中書令魏元忠請致仕授特進九月丁酉兵部尚書郢國公宗楚客左衛將軍兼太府卿紀處訥並同中書門下三品吏部侍郎兼左御史臺中丞蕭至忠爲黃門侍郎兼左御史中丞同中書門下三品中書侍郎東海郡公于惟謙國子祭酒罷知政事庚子上皇帝尊號曰應天神龍皇后尊號曰順天翊聖大赦天下改元爲景龍兩京文武官三品已上賜爵一級四品已下加一階外官賜勳一轉景龍元年九月甲辰特進魏元忠左授務川尉言與重俊通謀也庚辰侍中兼左御史臺大夫楊再思爲中書令吏部尚書韋巨源太府卿紀處訥並爲侍中侍中蘇瓌爲吏部尚書壬戌改左右羽林衛千騎爲萬騎仍分爲左右冬十月

壬午彗見于西月餘而滅壬午皇后上神武頌令兩京及四大都督府皆刻之於石十二月乙丑朔日有蝕之丁丑京師雨土

二年春正月丙申滄州雨雹大如雞卵二月辛未幸左金吾大將軍陳國公陸頌宅皇后自言衣箱中裙上有五色雲起令畫工圖之以示百寮乃大赦天下癸未夜天保星墜西南有聲如雷野雉皆雊乙酉帝以后服有慶雲之瑞大赦天下內外五品已上毋妻各加邑號一等無妻者聽授女天下婦人八十已上版授鄉縣郡等君三月丙子朔方道大摠管張仁亶築受降城於河上夏四月庚午左散騎常侍樂壽郡王駙馬都尉武攸暨讓郡王改封楚國公癸未修文館增置大學士八員直學士十二員己丑幸長樂公主莊即日還宮六月丁亥改太史局爲太史監罷隸秘書省秋七月辛卯台州地震癸巳左屯衛大將軍攝右御史臺大夫朔方道行營大摠管韓國公張仁亶同中書門下三品有赤氣竟天其光燭地經三日乃止九月甲戌黃霧昏濁冬十一月庚申突厥首領娑葛叛自立爲可汗遣弟遮弩

率衆犯塞已卯以安樂公主出降假皇后仗出於禁中以盛其儀帝及后御安福樓以觀之禮畢大赦天下賜酺三日癸未安西都護牛師獎與娑葛戰于火燒城師獎敗績没于陣是冬西京吏部置兩侍郎銓試東都又置兩銓恣行囑請又有斜封授官預用秋闕

三年春正月丁卯黃霧四塞癸酉幸薦福寺乙亥宴侍臣及近親於黎園亭二月己丑幸玄武門與近臣觀宮女大酺既而左右分曹共爭勝負上又遣宮女爲市肆鬻賣衆物令宰臣及公卿爲商賈與之交易因爲忿爭言辭猥褻上與后觀之以爲笑樂壬寅侍中舒國公韋巨源爲尚書左僕射並同中書門下三品戊午兵部尚書郢國公宗楚客中書令中書侍郎鄭國公蕭至忠爲侍郎太府卿韋嗣立爲兵部尚書同中書門下三品中書侍郎檢校吏部侍郎崔湜同中書門下平章事兵部侍郎趙彥昭爲中書侍郎同中書門下平章事庚申日赤紫色無光戊寅禮部尚書兼揚州大都督曹國公章溫爲太子少保兼揚州大都督同中書門下三品太常少卿兼檢校吏部侍

郎同中書門下平章事夏五月丙戌崔湜鄭愔坐賦湜貶襄州刺史
愔貶江州司馬六月癸丑太白晝見于東井庚子以經籍多缺使天
下搜括壬寅以旱避正殿減膳親錄囚徒癸卯尚書左僕射楊再思
薨秋七月乙卯朔鎮軍大將軍右驍衛將軍兼知太史事迦業至忠
配流郴州丙辰娑葛遣使來降辛酉幸黎園亭宴侍臣學士皇后表
請諸婦人不因夫子而加邑號者許同見任職事官聽子孫用廕從
之壬戌安福門外設無遮齋三品已上行香癸亥御承慶殿錄囚徒
壬午遣使冊驍衛大將軍兼衛尉卿金河王突騎施守忠爲歸化可
汗八月乙酉特進行中書令趙國公李嶠爲特進同中書門下三品
侍中鄴國公蕭至忠爲中書令特進鄭國公韋安石爲侍中庚寅諸
州各置司田叅軍一員吐蕃贊普遣使勃祿星奉進國信贊普祖娑
進物及上中宮安國相王太平公主有差壬辰遣十使巡察天下有
星孛于紫宮令特進佩魚散職佩魚自此始也乙未親送朔方軍摠
管韓國公張仁亶於通化門外上製序賦詩乙巳幸安樂公主山亭

宴侍臣學士賜緡帛有差九月壬戌幸九曲亭子宴侍臣學士戊辰
吏部尚書懷縣公蘇瓌爲尚書右僕射同中書門下三品冬十月庚
寅幸安樂公主金城新宅宴侍臣學士十一月乙丑親祀南郊皇后
登壇亞獻左僕射舒國公韋巨源爲終獻大赦天下見繫囚徒及十
惡咸赦除之雜犯流人並放還京文武三品已上賜爵一等四品已
上加一階京官及應襲岳牧入三品五品減考高年版授大酺三日
壬申幸見子陵甲戌開府儀同三司芮國公豆盧欽望薨吐蕃替普
遣其大臣尚贊吐來逆女十二月壬戌前尚書右僕射宋國公唐休
璟爲太子少師同中書門下三品甲子上幸新豐之溫湯庚子幸兵
部尚書韋嗣立莊封嗣立爲逍遙公上親製序賦詩便游白鹿觀甲
辰曲賜新豐縣百姓給復一年行從官賜勳一轉是月幸驪山乙巳
至自溫湯乙酉令諸司長官向醴泉坊看潑胡王乞寒戲

四年春正月乙卯於化度寺門設無遮大齋丙寅上元夜帝與皇后
微行觀燈因幸中書令蕭至忠之第是夜放宮女數千人看燈因此

多有亡逸者丁卯夜又微行看燈丁丑命左驍衛大將軍河源軍使揚矩爲送金城公主入吐蕃使己卯幸始平送金城公主歸吐蕃二月壬午曲赦咸陽始平爲金城縣便幸長安令王光輔馬嵬北原莊癸未至自金城庚戌令中書門下供奉官五品已上文武三品已上并諸學士等自芳林門入集於梨園毬塲分朋拔河帝與皇后公主親往觀之三月甲寅幸臨渭亭修禊飲賜羣官柳捲以辟惡丙辰游宴桃花園庚申京師雨水井水溢壬戌賜宰臣已下内巾子夏四月丁亥上游櫻桃園引中書門下五品已上諸司長官學士等入芳林園嘗櫻桃便令馬上口摘置酒爲樂乙未幸隆慶池結綵爲樓宴侍臣泛舟戲樂因幸禮部尚書竇希宅五月辛酉秘書監賜號王邕改封汴王乙丑皇后請加嗣王三品丁卯前州司兵參軍熊欽融上書言皇后干預國政安樂公主武延秀宗楚客等同危宗社帝怒召欽融廷見撲殺之時安樂公主志欲皇后臨朝稱制而求立爲皇太女由是與后合謀進熾六月壬午帝遇毒崩于神龍殿年五十秘不

發喪皇后親摠庶政癸未以刑部尚書裴談工部尚書張錫並同中書門下三品依舊東都留守吏部尚書張嘉福中書侍郎岑羲吏部侍郎崔暹並同中書門下平章事又命左右金吾衛大將軍趙承恩右監門大將軍薛簡帥兵五百人往均州備譙王重福立溫王重茂爲皇太子甲申發喪于太極殿宣遺制皇太后臨朝大赦天下改元爲唐隆見繫囚徒常赦所不免者咸赦除之長流任放歸田里負犯痕癍咸從洗滌內外官三品已上賜爵一級四品已下加一階以安國相王旦爲太子太師進封雍王守禮爲邠王壽春郡王成器爲宋王宗正卿晉封新興王丁亥皇太子即帝位於柩前時年十六皇太后韋氏臨朝稱制大赦天下常赦所不原者咸赦除之內外兵馬諸親掌仍令韋溫摠知時召諸府折衝兵五萬人分屯京城列爲左右管諸韋子姪分統之壬辰遣使諸道巡撫紀處訥關內道張嘉福河北道岑羲河南道庚子夜臨淄王諱舉兵誅諸韋武皆梟首於安福門外韋太后爲亂兵所殺九月丁卯百官上謚曰孝和皇帝廟號中

宗十一月巳酉葬于定陵天寶十三載二月改謚曰大和大聖天昭
孝皇帝

史臣曰廉士可以律貪夫賢臣不能輔孱主誠以志昏近習心無遠
圖不知創業之難唯取當年之樂孝和皇帝越自負戾遷于房陵崎
嶇瘴癘之鄉契濶幽囚之地所以張漢陽徘徊于克復狄梁公哽咽
以奏論遂得生還庸非己力洎滌除金虎再握璿衡不能罪己以謝
萬方而更漫游以墮八政縱豔妻之煽黨則聚槨爭衡信妖女以撓
權則彞倫失序相敬由之覆族節愍所以興戈竟以元首之尊不免
齊眉之禍比漢晉之惠盈輩爲優苟非繼以命世之才則土德去也
睿宗玄貞大聖大興孝皇帝諱旦高宗第八子中宗母弟龍朔二年
六月巳未生於長安其年封殷王遙領冀州大都督單于大都護右
金吾衛大將軍及長謙恭孝友好學工草隸尤愛文字訓詁之書乾
封元年徙封豫王總章二年徙封眞王上初名旭輪至是去旭字上
元二年徙封相王拜右衛大將軍儀鳳三年遷洛牧改名且徙封豫

王嗣聖元年則天臨朝廢中宗爲廬陵王立豫王爲皇帝仍臨朝稱制及革命改國號爲周降帝爲皇嗣令依舊名輪徙居東宮其具儀一比皇太子聖曆元年中宗自房陵還帝數稱疾不朝請讓位於中宗則天遂立中宗爲皇太子封帝爲相王又改名旦授太子右衛率長安中并司徒右羽林衛大將軍自則天初臨朝及革命之際王室屢有變故帝每恭儉退讓竟免于禍神龍元年以誅張易之昆弟功進號安國相王遷太尉加實封其年立爲皇太弟固辭不受景龍四年夏六月中宗崩韋庶人臨朝引用其黨分握政柄忌帝望實素高潛謀危害庚子夜臨淄王諱與太平公主子薛崇簡前朝邑尉劉幽求長上果毅麻嗣宗苑摠監鍾紹京等率兵入北軍誅韋溫紀處訥宗楚客武延秀馬秦客葉靜能趙履溫楊均等諸韋武黨與皆誅之辛丑帝挾少帝御安福門樓慰諭百姓大赦天下見繫囚徒常赦所不免者咸赦除之內外文武官三品已上賜爵一級四品已下加一階親皇三等已上加兩階四等已下及諸親賜勳三轉天下百姓免

今年田租之半進封臨淄王爲平王以薛崇簡爲立節郡王鍾紹京爲中書侍郎劉幽求爲中書舍人並叅知機務加實封其餘封賞有差遣使分行諸道宣諭仍令往均州慰勞譙王壬寅左千牛中郎將宋王成器爲左衛大將軍司農少卿同正負衡陽王成義爲右衛大將軍太府少卿同正負巴陵王進毓爲左羽林衛大將軍太僕少卿同正負彭城王隆業爲右羽林衛大將軍黃門侍郎李日知同中書門下三品癸卯殿中兼知內外閑廐檢校龍武右軍仍押左右廂萬騎平王諱同中書門下三品中書侍郎潁川郡公鍾紹京爲中書令中書令鄼國公蕭至忠爲許州刺史兵部尚書逍遙公韋嗣立爲宋州刺史中書侍郎趙彥昭爲絳州刺史蕭韋趙特置位誅吏部尚書張嘉福於懷州其日王公百寮上表咸以國家多難宜立長君以帝衆望所歸請即尊位甲辰少帝詔曰自古帝王必有符命兄弟相及存諸典禮朕以孤藐遭家艱難顧茲蒙識未洽治途茫茫四海將何所屬累聖丕基若墜于地王室多難義擇長君思與羣公推崇明聖叔

父相王高宗之子昔以天下讓于先帝孝友寬簡彰信非人神龍之初已有明旨將立太弟以爲副君爲王銀辭未行冊命所以東宮虛位至于歷年徵綴在辰禍變倉卒然後稱制許立冲人欽奉前懷願遵理命上申天聖之旨下遂蒼生之心俯稽圖緯之文仰跂祖宗之烈擇今日請叔父相王即皇帝位朕退守本藩歸于舊邸凡百卿士敬承朕言克贊我天人之休期光我有唐之勲業布告遐邇咸使聞知相王上表讓曰臣以宗社事重家國情深誅鋤巨逆奉戴嗣主今承制旨猥推宸極在臣虛薄不敢祗膺循環震驚無任感哽制荅曰皇極大寶天下至公王者臨之蓋非獲己王先聖舊意蒼生推仰龍光紫宸貴允係望請遵前旨勿或推讓于是少帝遜于別宮是日即皇帝位御承天門樓大赦天下常赦所不免並原之内外官四品已上加一階相王府官吏加兩階流人長流長任未還者並放還立功人王承暉已下千餘人賜爵秩有差封少帝爲王其日景雲見乙巳中書令鍾紹京爲戶部尚書越國公實封五百戶中書舍人劉幽求

爲尚書左丞徐國公實封五百戶並依前知政事左衛大將軍宋王
成器爲太子太師雍州牧揚州大都督加實封二百戶宮人比來取
百姓子女入宮者放還其家丙午新除太常少卿薛稷爲黃門侍郎
叅知機務丁未許州刺史梁縣侯姚元之爲兵部尚書同中書門下
三品兵部尚書韋嗣立爲中書今追削武三思武崇訓官爵戊申蕭
至忠韋嗣立趙彦昭崔湜並停刺史衡陽王成義封申王巴陵王進
毓封岐王彭城王隆業封薛王巳酉鎮國太平公主加實封五百戶
通前一萬戶秋七月癸丑兵部侍郎兼知雍州長史崔日用爲黃門
侍郎叅知機務丙辰則天大聖皇后依舊號爲天后追謚雍王賢爲
章懷太子庶人重俊曰節愍太子復敬暉桓彥毓崔玄暉張柬之袁
恕巳成王千里李多祚等官爵丁巳河南洛陽華州並依舊名以洛
州長史宋璟爲檢校吏部尚書同中書門下三品中書侍郎岑羲爲
右散騎常侍壬戌以蕭至忠爲晉州刺史韋嗣立爲許州刺史趙彥
昭爲宋州刺史兵部尚書姚元之兼太子右庶子吏部尚書宋璟兼

太子左庶子癸亥吏部侍郎崔湜爲尚書右丞罷知政事甲子右僕射許國公蘇瓌兵部尚書姚元之吏部尚書宋璟右常侍判刑部尚書岑羲並充使冊定陵丙寅姚元之兼中書令丁卯蘇瓌爲尚書左僕射仍舊同中書門下三品宋國公唐休璟致仕右武衛大將軍攝右御史大夫同中書門下三品韓國公張仁亶右衛大將軍戊辰崔日用爲雍州長史薛稷爲右散騎常侍並停知機務特進同中書門下三品趙國公李嶠爲懷州刺史廢司田叅軍己巳冊平王爲皇太子大赦天下改元爲景雲內外官九品己上及子爲父後者各加勳一轉自神龍以來直諫枉遭非命者咸令式墓天下州縣名目天授以來改爲武字者並令復舊廢武氏崇恩廟其吳陵順陵並去陵名景雲元年七月己巳制自今授左右僕射侍中中書令六尚書己上官聽讓其餘停讓追廢皇后韋氏爲庶人安樂公主爲悖逆庶人丁丑改太史監爲太史局隸秘書省八月癸巳新除集州刺史譙王重福潛入東都構逆州縣討平之先是中宗時官爵逾濫因依妃主墨

勅而授官者謂之斜封至是並令罷免癸卯改門下坊爲左春坊典書坊爲右春坊左右羽林衛依舊爲左右羽林軍九月庚戌封皇太子男嗣貞爲許昌郡王嗣謙爲貞定郡王冬十月甲申詔孝敬皇帝神主先祔太廟有違古義於東都別立義宗廟丁未姚元之爲中書令兼檢校兵部尚書十一月己酉葬孝和皇帝于定陵辛亥太子太師宋王成器爲尚書左僕射蘇瓌爲太子少傅侍中鄖國公韋安石爲太子少保改封郇國公並罷知政事戊辰宋王成器爲司徒兼領揚州大都督庚午太子少傅蘇瓌薨是歲韋庶人悖逆庶人並以禮改葬武三思父子剖棺戮屍

二年春正月丁未朔以山陵日近不受朝賀癸丑改泉州爲閩州都督改榮州爲泉州突厥默啜遣使請和親許之己未太僕卿郭元振中書侍郎張說並同中書門下平章事甲子改封溫王重茂爲襄王遷于集州乙丑追尊皇后劉氏爲肅明皇后墓曰惠陵德妃竇氏爲昭成皇后墓曰靖陵二月丁丑令皇太子監國甲辰姚元之左授申

州刺史宋璟左授楚州刺史韋安石爲侍中丙戌劉幽求爲戶部尚書罷知政事戊子詔中宗時斜封官並許依舊庚申復置太子左右論德太子左右贊善各置兩員戊戌郭元振爲兵部尚書仍依舊同中書門下平章事己未改修文館爲昭文館黃門侍郎李日知爲左臺御史大夫依舊同中書門下三品夏四月庚辰張說爲兵部侍郎依舊同中書門下平章事癸未分瀛州置鄭州詔以釋典玄宗理均跡異拯人化俗教別功齊自今旃緣法事集會僧尼道士女冠等宜齊行道集甲申韋安石爲中書令宋王成器爲太子賓客仍依舊遙領揚州大都督丙申李日知爲侍中壬寅大赦天下重福徒黨放雪京官四品己下加一階外官賜勳一轉三品己下各賜爵一級天下濫度僧尼道士女冠並依舊又令內外官依上元元年九品己上文武官咸帶手巾筭袋武官咸帶七事鞞鞞並足其腰帶一品至五品並用金六品七品並用銀八品九品並用鍮石魚袋着紫者金裝着緋者銀裝景龍三年己丑通懸並放免天下大酺五日五月庚戌復

武氏吳陵順陵仍量置官屬太平公主爲武攸暨請也庚申韋安石加開府儀同三司辛丑改西域公主爲金仙公主昌隆公主爲玉真公主仍置金仙玉真兩觀壬戌殿中監竇懷真爲左臺御史大夫同中書門下平章事六月壬午依漢代故事分置二十四都督府閏六月初置十道按察使秋七月新置都督府並停唯雍洛州長史楊益荆并四大都督府長史階爲三品八月乙卯詔以興聖寺是高祖舊宅有柿樹天授中枯死至是重生大赦天下其謀殺劫殺造僞頭首並免死配流嶺南官典受贓者特從放免天下大酺三日丁巳皇太子釋奠于太學己巳韋安石爲尚書右僕射同中書門下三品兼太子賓客禮部尚書竇希玠爲太子少傅庚午改左右屯衛爲左右威衛左右宗衛率府爲左右司禦府渾儀監爲太史監九月丁卯竇懷真爲侍中冬十月甲辰吏部尚書劉幽求爲侍中散騎常侍魏知古同中書門下三品太子詹事崔湜爲中書侍郎同中書門下三品中書侍郎陸象先同中書門下平章事韋安石爲尚書左僕射東都留

守楷李日知爲戶部尚書兵部尚書郭元振爲吏部尚書侍中兼檢校左臺御史大夫竇懷貞爲左臺御史大夫兵部侍郎兼左庶子張說爲尚書左丞罷知政事十一月戊寅改太史監爲太史局依舊隸祕書省改王師爲傅

三年春正月辛未朔親謁太廟癸酉上始釋慘服御正殿受朝賀甲戌并汾絳三州地震壞人廬舍辛巳南郊戊子躬耕籍田巳丑大赦天下改元爲太極內外官四品巳下加一階三品巳上加爵一級孔宣父祠廟本州取側近三十戶以供灑掃天下大酺五日特賜老人九十巳上緋衫牙笏八十巳上綠衫木笏乙未戶部尚書岑義左臺御史大夫竇懷貞並同中書門下三品二月丁酉祕書增少監一員光祿大理鴻臚太府衛尉宗正各增置少卿一員少府監將監增置少監一員國子監增置司業一員左右臺各增置中丞一員雍洛二州并益荆揚四大都督府各增置司馬一員仍分爲左右司馬丁亥皇太子釋奠於國學追贈顏回爲太子太師曾參爲太子太保每年

春秋釋奠以四科弟子曾參從祀列于七十二賢之上辛酉廢右御史臺官負已已頒新格式於天下夏四月辛丑制曰朕聞措刑由於用刑去殺存乎必殺明罰峻典自古而然立制齊人於是乎在自我朝建國僅將百年天下和平其來已久往承隋季守法頗專比曩時安持綱日緩况朕薄德甚莫逮先惟人難理遠不如昔粵從守位三載于茲庶務煩勞不損晷景嘗謂自我作則感而成化痛乎迷俗忘返不威罔懲將至純風先歸重典比者贓賄不覓滄濫公行放心未寧禁犯無懼此焉整革期於承平遂割小慈以崇大體自今已後造偽頭首者斬仍沒一房資財同用廢者並停奪非頭首者絞其承前造偽人限十日內首使盡官典主司枉法受贓一匹以上先決杖一百其緣贓及惡狀被解及與替者非選時不得輒入京城縱家貫在京不得輒至朝堂妄有披訴如有此色並決杖仍加貶斥其先在京城者限三日內勒還上下官寮輒緣私情相囑者其受囑人宜封狀奏聞成器已下朕自決罰其餘王公已下並解見任官三五年間不



須齒錄其進狀人別加褒賞御史宜令分察諸司五月戊寅親祀北郊辛未大赦天下改元爲延和栢彥軌敬暉崔玄暉張東之袁恕已等特還其子孫實封二百戶天下大酺五日六月癸丑戶部尚書岑羲爲侍中乙卯追尊則天皇后曰天后聖帝庚申幽州都督孫儉率左驍衛將軍李楷洛左威衛將軍周以悰等將兵三萬與奚首領李大輔戰于礪山爲賊所敗儉沒於陣壬戌魏知古爲戶部尚書仍依舊同中書門下三品秋七月庚午竇懷貞爲尚書右僕射平章軍國重事己卯上觀樂於安福門以燭繼晝經日乃止八月庚子帝傳位于皇太子自稱太上皇帝五日一度受朝於太極殿自稱曰朕五品己上除授及大刑獄並自決之其處分事稱誥令皇帝每日受朝於武德殿自稱曰子三品己下除授及重罪並令決之其處分事稱制初甲辰大赦天下改元爲先天八月戊申皇帝子許昌王嗣直改封郟王眞定王嗣謙爲郟王己酉以宋王成器爲司空依舊遙領揚州大都督庚戌竇懷貞爲尚書左僕射同中書門下三品仍兼御史大

夫劉幽求爲尚書右僕射依舊同中書門下三品魏知古爲侍中崔
湜爲中書令並監修國史丁巳立皇帝子妃王氏爲皇后癸亥劉幽
求配流封州九月丁卯朔日有蝕之甲申封皇帝子嗣昇爲陝王冬
十月庚子皇帝親謁太廟禮畢御延喜門大赦天下壬寅柎昭成皇
后肅明皇后神主於儀坤廟癸卯皇帝幸新豐之溫湯拔獵於渭川
十二月丁未誥禁人屠殺大雞戊午改箕州爲儀州

二年春正月勅江北諸州團結兵馬皆令本州刺史押掌乙亥吏部
尚書兼太子右諭德鄱國公蕭至忠爲中書令上元日夜上皇御安
福門觀燈出內人連袂踏歌縱百寮觀之一夜方罷二月丙申改隆
州爲閩州始州爲劍州分興州置深州初有僧婆陁請夜開門然燈百
千炬三日三夜皇帝御延喜門觀燈縱樂凡三日夜左拾遺嚴挺之
上疏諫之乃止三月辛卯皇后祀先蠶癸巳制勅表狀書奏牋牒年
月等數作一三三十四十字夏六月丙辰兵部尚書朔方道行軍大
摠管郭元振加同中書門下三品秋七月甲子太平公主與僕射竇

懷貞侍中岑羲中書令蕭至忠左羽林大將軍常元楷等謀逆事覺
皇帝率兵誅之窮其黨與太子少保薛稷左散騎常侍賈膺福右羽
林將軍李慈李欽中書舍人李猷中書令崔湜尚書左丞盧藏用太
史令傅孝忠僧惠範等皆誅之兵部尚書郭元振從上御承天門樓
大赦天下自大辟罪已下無輕重咸赦除之翌日太上皇誥曰朕將
高居無爲自今後軍國刑政一事以上並取皇帝處分開元四年夏
六月甲子太上皇帝崩于百福殿時年五十五秋七月己亥上尊謚
曰大聖貞皇帝廟曰睿宗冬十月庚午葬于橋陵天寶十三載二月
改謚曰玄貞大興孝皇帝

史臣曰法不一則姦僞起政不一則朋黨生上既啓其泉源下胡息
於奔競觀夫天后之時雲委於二張之第孝和之世波注於三王之
門獻奇則除設盈庭納賄則斜封滿路咸以進趨相軌姦利是圖如
火投泉安得無敗洎景龍繼統汚俗廓清然猶投杼於乘輿之間抵
掌於太平之日以至書頻告變上不自安宮臣致禦魅之科天子謙

巡邊之詔彼既學弓而射我我則號泣以行刑此雖鎮國之尤亦是
臨軒之失夫君人孝愛錫之以典刑納之於軌物俾無僭偪下絕覲
覲自然治道惟新亂階不作孝和既已失之玄貞亦未爲得
贊曰孝和玄貞皆肖先人率情背禮取樂於身夷塗不履履轍攸遵
扶持聖嗣賴有賢臣

唐書本紀卷第七

書本臨卷下

林林重隔疎亦寶耳

贊曰本味甚良昔肖夫入率前青節不樂依良與坐不孤嘉新於數
贈自於主數謝禮備謝不外滋味致日夫夫之莫我未及計

詔梓之夫夫入幸幾幾之與所始之依厚財野無替而不難
受數之請於禮學古而操券非與歸之以行所也無幾因之大亦最

唐書本紀卷第八

劉昫等修

聞人詮校刻沈桐同校

玄宗上

玄宗至道大聖大明孝皇帝諱隆基睿宗第三子也母曰昭成順聖
皇后竇氏垂拱元年秋八月戊寅生於東都性英斷多藝尤知音律
善八分書儀軌偉麗有非常之表三年閏七月丁卯封楚王天授三
年十月戊戌出閣開府置官屬年始七歲朔望車騎至朝堂金吾將
軍武懿宗忌上嚴整訶排儀仗因欲折之上叱之曰吾家朝堂干汝
何事敢迫吾騎從則天聞而特加寵異尋却入閣長壽二年臘月丁
卯改封臨淄郡王聖曆元年出閣賜第於東都積善坊大足元年從
幸西京賜宅於興慶坊長安中歷右衛郎將尚輦奉御神龍元年遷
衛尉少卿景龍二年四月兼潞州別駕十二月加銀青光祿大夫州
境有黃龍白日昇天嘗出畋有紫雲在其上後從者望而得之前後

符瑞凡一十九事四年中宗將祀南郊來朝京師將行使術士韓禮
筮之著一莖子然獨立禮驚曰著立竒瑞非常也不可言屬中宗未
年王室多故上常陽引材力之士以自助上所居宅外有水池浸溢
頃餘望氣者以爲龍氣四年四月中宗幸其第因遊其池結綵為樓
船令巨象踏之至六月中宗暴崩韋后臨朝稱制韋温宗楚客紀處
訥等謀傾宗社以睿宗介弟之重先謀不利道士馮道力處士劉承
祖皆善於占兆詣上布誠款上所居里名隆慶時人語訛以隆為龍
韋庶人稱制改元又為唐隆皆符御名上益自負乃與太平公主謀
之公主喜以子崇簡從上乃與崇簡朝邑尉劉幽求長上折衝麻嗣
宗押萬騎果毅葛福順李仙鳧寶昌寺僧普潤等定策誅之或曰先
啓大王上曰我拯社稷之危赴君父之急事成福歸於宗社不成身
死於忠孝安可先請憂怖大王乎若請而從是王與危事請而不從
則吾計失矣遂以庚子夜率幽求等數十人自苑南入摠監鍾紹京
又率工匠百餘以從分遣萬騎往玄武門殺羽林將軍韋播高嵩持

首而至衆歡叫大集攻白獸玄德等門斬關而進左萬騎自左入右萬騎自右入合於暖煙閣前時太極殿前有宿梓宮萬騎聞譟聲皆披甲應之韋庶人惶惑走入飛騎營爲亂兵所害於是分遣誅韋氏之黨比明內外討捕皆斬之乃比謁睿宗謝不先啓請之罪睿宗遽前抱上而泣曰宗社禍難由汝安定神祇萬姓賴汝之力也拜殿中監同中書門下二品兼押左右萬騎進封平王睿宗即位與侍臣議立皇太子僉曰除天下之禍者享天下之福拯天下之危者受天下之安平王有聖德定天下又聞成器已下咸有推讓宜膺主鬯以副羣心睿宗從之丙午制曰舜去四凶而功格天地武有七德而戡定黎人故知有大勲者必受神明之福仗高義者必為七鬯之主朕恭臨寶位亭育寰區以萬物之心為心以兆人之命為命雖承繼之道咸以冢嫡居尊而無私之懷必推功業為首然後可保安社稷永奉宗桃第三子平王基孝而克忠義而能勇比以朕居藩邸虔守國彝貴戚中人都無引接羣邪害正兇黨寔繁利口巧言讒訕罔極韋温

延秀朋黨競起晉卿楚客交構其間潛結回邪排擠端善潛貯兵甲
將害朕躬基密聞其期先難奮發推身鞠弭衆應如歸呼吸之間凶
渠殄滅安七廟於幾墜拯羣臣於將殞方舜之功過四比武之德逾
七靈祗望在昆弟樂推一人元良萬邦以定為副君者非此而誰可
立為皇太子有司擇日備禮冊命七月己巳睿宗御承天門皇太子
詣朝堂受冊是日有景雲之瑞改元為景雲大赦天下二月又制曰
惟天生烝人牧以元后維皇立國副以儲君將以保綏家邦安固後
嗣者也朕纂承洪業欽奉寶圖夜分不寢日昃忘倦茫茫四海懼一
人之未周烝烝萬姓恐一物之失所雖卿士竭誠守宰宣化緬懷庶
域仍未小康是以求下人之變風遵先朝之故事皇太子基仁孝因
心溫恭成德深達禮體能辨皇猷宜令監國俾爾為政其六品已下
除授及徒罪已下並取基處分延和元年六月兇黨因術人聞睿宗
曰據玄象帝座及前星有灾皇太子合作天子不合更居東宮矣睿
宗曰傳德避灾吾意決矣七月壬午制曰朕以寡昧虔奉鴻休本殊

王季之賢早達延陵之節昔在聖曆已讓皇嗣之尊爰暨神龍終辭
太弟之授豈唯衣冠所覩抑亦兆庶咸知頃屬國步不夷時艱主幼
大業有綴旒之懼寶位深墜地之憂議迫公卿遂司契篆日慎一日
以至於今一紀之勞勤亦至矣萬方之俗化漸行矣將成宿願脫屣
寰區昔堯之禪舜唯能是與禹以命啓匪私其親神器之重允歸公
授皇太子基有大功於天地定阡危於社稷溫文既習聖敬克躋委
之監國已移歲年時政益明庶工惟序朕之知子庶不負時曆數在
躬宜陟元后可令即皇帝位有司擇日授冊朕方比迹洪古希風太
皇神與化遊思與道合無爲無事豈不美歟王公百寮宜識朕意上
意惶懼馳見叩頭請所以傳位之旨睿宗曰吾因汝功業得宗社今
帝座有眚思欲遜避唯聖德大勳始轉禍爲福易位於汝吾知晚矣
上始居武德殿視事三品已下除授及徒罪皆自決之先天二年七
月三日尚書左僕射竇懷貞侍中岑羲中書令蕭至忠崔湜雍州長
史李晉左羽林大將軍常元楷右羽林將軍李慈等與太平公主同

謀期以其月四日以羽林軍作亂上密知之因以中旨告岐王範薛
王業兵部尚書郭元振將軍王毛仲取閑廐馬及家人三百餘人率
太僕少卿李令問王守一內侍高力士果毅李守德等親信十數人
出武德殿入虔化門梟常元措李慈於北闕擒賈膺福李猷於內客
省以出執蕭至忠岑羲於朝皆斬之睿宗明日下詔曰朕將高居無
爲自今軍國政刑一事已上並取皇帝處分上御承天門樓下制曰
朕承累聖之洪休荷重光之積慶昔因多難內屬構屯寶淵墜地之
憂神器有綴旒之懼事殷家國義感神祇吟嘯風雲龔行雷電致君
親於堯舜濟黔首於休和遂以孟秋九昇儲貳旋承內禪繼體宸居
拜首之請空勤讓立之誠莫展恭臨億兆二載于茲上稟聖謨下疑
庶績八荒同軌瀛海無波不謂姦慝潛謀蕭牆竊發逆賊竇懷貞等
並以庸妄權齒朝廷毫髮之効未申丘山之釐仍積共成梟獍將肆
姦回太上皇聖斷宏通英謀獨運命朕率岐王範薛王業等躬事誅
鋤齊斧一麾凶渠盡殪太陽朗耀澄氛霽於天衢高風順時厲肅殺

於秋序神靈協贊夷夏相歡四族之應既清七日之祥方永爰承後
命載闡休期摠軍國之大猷施雲雨之鴻澤承乾之道既光被於無
垠作解之恩思式覃於品物當與億兆同此惟新可大赦天下大辟
罪已下咸赦除之加邢王守禮實封三百戶宋王成器申王成義各
加實封一千戶岐王範薛王業各加實封七百戶文武官三品已下
賜爵一級四品已下各加一階內外官人被諸道按察使及御史所
摘伏咸宜洗滌選日依次叙用丁卯崔湜盧藏用除名長流嶺表壬
申王琚爲銀青光祿大夫工部尚書封趙國公實封三百戶姜皎銀
青光祿大夫工部尚書封楚國公實封五百戶李令問銀青光祿大
夫殿中監實封三百戶王毛仲輔國大將軍左武衛大將軍檢校內
外閑廐兼知監牧使霍國公實封五百戶王守一銀青光祿大夫太
常卿同正員進封晉國公實封五百戶並賞其定策功琚皎令問固
讓癸丑中書侍郎陸象先爲益州大都督府長史兼劔南道按察兵
馬使尚書左丞張說爲檢校中書令甲戌令毀天樞取其鋼鐵克軍

國雜用庚辰王瑒爲中書侍郎加實封二百戶姜皎殿中監仍克內
外閑廐使加實封二百戶李令問殿中少監知尚食事加實封二百
戶己丑周孝明高皇帝依舊追贈太原王宜去帝號孝明皇后宜稱
太原王妃昊陵順陵並稱太原王及妃墓八月壬辰封州流人劉幽
求爲尚書左僕射知軍國重事徐國公仍依舊實封七百戶制曰凡
有刑人國家常法掩骼埋胔王者用心自今己後輒有屠割刑人骨
肉者依法科殘害之罪九月司空兼揚州大都督宋王成器爲太尉
兼揚州大都督益州大都督兼右金吾大將軍申王成義爲司徒兼
益州大都督單于大都護兼左金吾大將軍邠王守禮爲司空癸丑
封華嶽神爲金天王九月丁卯宋王成器爲開府儀同三司尚書左
僕射劉幽求同中書門下三品檢校中書令燕國公張說爲中書令
特進王仁皎爲開府儀同三司己卯宴王公百寮於承天門令左右
於樓下撒金錢許中書門下五品己上官及諸司三品己上官爭拾
之仍賜物有差郭元振兼御史大夫丙戌又置右御史臺冬十一月

甲申幸新豐之温湯癸卯講武於驪山兵部尚書代國公郭元振坐
虧失軍容配流新州給事中攝太常少卿唐紹以軍禮有失斬於灋
下甲辰畋獵於渭川同州刺史梁國公姚元之爲兵部尚書同中書
門下三品乙巳至自温湯十一月乙丑幽求兼知侍中戊子上加尊
號爲開元神武皇帝十二月庚寅朔大赦天下改元爲開元内外官
賜勲一轉改尚書左右僕射爲左右丞相中書省爲紫微省門下省
爲黃門省侍中爲監雍州爲京兆府洛州爲河南府長史爲少尹國
初以來宰相及食實封功臣子孫一應沈翳未承恩者令量才擢用
開元元年十二月己亥禁斷發寒胡戲癸丑尚書左丞相兼黃門監
劉幽求爲太子少保罷知政事紫微令張說爲相州刺史甲寅門下
侍郎盧懷慎同紫微黃門平章事

二年春正月閏中自去秋至于是月不雨人多饑乏遣使賑給制未
直諫言弘益政理者名山大川並令祈祭丙寅紫微令姚崇上言精
檢責天下僧尼以僞濫還俗者二萬餘人甲申并州大都督府長史

兼檢校左衛大將軍薛訥同紫微黃門三品仍摠兵以討奚契丹二月突厥默啜遣其子同俄特勤率衆寇北庭都護府右驍衛將軍郭虔瓘擊敗之斬同俄於城下己酉以旱親錄囚徒改太史監罷隸秘書省閏月癸亥令道士女冠僧尼致拜父母丁卯復置十道按察使己未突厥默啜妹婿火拔頡利發石失畢與其妻來奔封燕山郡王授左衛員外大將軍紫微侍郎趙國公王琚左授澤州刺史賜實封一百戶餘並停丁亥劉幽求爲睦州刺史三月甲辰青州刺史郇國公韋安石爲河州別駕太子賓客道遙公韋嗣立爲岳州別駕特進致仕李嶠先隨子在袁州又貶滁州別駕並員外置去年九月有詔毀天樞至今春始夏五月辛亥黃門監魏知古工部尚書罷知政事六月丁巳開府儀同三司宋王成器爲岐州刺史司徒申王成義爲幽州刺史司空邠王守禮爲虢州刺史委務於上佐內出珠玉錦繡等服玩又令於正殿前焚之乙丑兵部尚書致仕韓國公張仁愿卒七月薛訥與副將杜賓客崔宣道等摠兵六萬自檀州道遇賊於灤

河爲賊所敗訥等屏甲遁歸減死除名爲庶人辛未光祿卿竇希琰爲太子太傅房州刺史襄王重茂薨於梁州謚曰殤帝丙午昭文館學士柳沖太子左庶子劉子玄刊定姓族系錄二百卷上之以興慶宮諸王傳並停京官所帶跨巾箒袋每朝叅日着外官衙日着餘日停吐蕃寇臨洮軍又遊寇蘭州渭州掠群牧起薛訥攝左羽林將軍隴右防禦使率杜賓客郭知運王駿安思順以禦之太常卿岐王範爲華州刺史秘書監薛王業爲同州刺史八月戊午西天竺國遣使獻方物九月戊申幸新豐之溫泉甲寅制曰自古帝王皆以厚葬爲誠以其無益亡者有損生業故也近代以來共行奢靡遞相倣效浸成風俗旣竭家產多至凋弊然則魂魄歸天明精誠之已遠卜宅於地蓋思慕之所存古者不封未爲非遠且墓爲貞宅自便有房今乃別造田園名爲下帳又冥器等物皆競驕侈失禮違令殊非所宜戮屍暴骸實由於此承前雖有約束所司曾不申明喪葬之家無所依准宜令所司據品令高下明爲節制冥器等物仍定色數及長短大

小園宅下帳並宜禁絕墳墓塋域務遵簡儉凡諸送終之具並不得以金銀爲飾如有違者先決杖一百州縣長官不能舉察並貶授遠官冬十月戊午至自溫泉薛訥破吐蕃於渭川西界武階驛斬首一萬七十級馬七萬七匹牛羊四萬頭豐安軍使郎將判將軍王海賓先鋒力戰死之十一月庚寅葬殤帝於武功西原十二月乙丑封皇子嗣真爲鄜王嗣初爲鄜王嗣玄爲鄜王時右威衛中郎將周慶立爲安南使船使與波期僧廣造奇巧將以進內監選使殿中侍御史柳澤上書諫上嘉納之

三年春正月丁亥立郢王嗣謙爲皇太子降死罪已下大酺三日癸卯黃門侍郎盧懷慎爲檢校黃門監甲辰工部尚書魏知古卒二月禁斷天下採捕鯉魚十姓部落左廂五咄六啜右廂弩五失畢五俟斤及高麗王莫離支高大簡都督跌思太等各率其衆自突厥相繼來奔前後摠二千餘帳析許州唐州置仙州夏四月岐王範兼虢州刺史薛王業兼幽州刺史六月山東諸州大蝗飛則蔽景下則食苗

稼聲如風雨紫微令姚崇奏請差御史下諸道促官吏遣人驅撲焚
瘞以救秋稼從之是歲田收有獲人不甚飢秋七月刑部尚書李日
知卒冬十月甲寅制曰朕聽政之暇常覽史籍事閑理道實所留心
中有闕疑時須質問宜選耆儒博學一人每日入內侍讀以光祿卿
馬懷素爲左散騎常侍褚無量並克侍讀甲子幸郿縣之鳳泉湯十
一月己卯至自鳳泉湯乙酉幸新豐之温湯丁亥妖賊崔子崑等入
相州作亂戊子州司討平之甲午至自温湯十二月庚午以軍器使
爲軍器監置官負是冬無雪

四年春正月癸未尚衣奉御長孫昕恃以皇后妹壻與其妹夫楊仙
玉毆擊御史大夫李傑上令朝堂斬昕以謝百官以陽和之月不可
行刑累表陳請乃命杖殺之丁亥宋王成器申王成義以成字犯昭
成皇后謚號於是成器改名憲成義改爲撝刑部尚書中山郡公李
又辛二月丙辰幸新豐之温湯丁卯至自温湯以閔中旱遣使祈雨
于驪山應時澍雨令以少牢致祭仍禁斷樵採夏六月庚寅月蝕既

癸亥太上皇崩于百福殿辛未京師華陝三州大風拔木癸酉突厥
可汗默啜爲九姓拔曳固所殺斬其首送于京師默啜兄子小殺繼
立爲可汗是夏山東河南河北蝗蟲大起遣使分捕而瘞之其迴紇
同羅雷勃曳固僕固五部落來附於大武軍北安置秋七月丙申分
駕雅二州置黎州冬十月癸丑戶部尚書新除太子詹事畢構卒庚
午葬睿宗大聖貞皇帝于橋陵以同州蒲城縣爲奉先縣隸京兆府
十一月丁亥徙中宗神主于西廟甲午尚書左丞源乾曜爲黃門侍
郎同紫微黃門平章事辛丑黃門監兼吏部尚書盧懷慎卒十二月
乙卯幸新豐之溫湯其夜定陵寢殿災乙丑至自溫湯尚書廣平郡
公宋璟爲吏部尚書兼黃門監紫微侍郎許國公蘇頌同紫微黃門
平章事兵部尚書兼紫微令梁國公姚崇爲開府儀同三司黃門侍
郎安陽男源乾曜守京兆尹並罷知政事停十道採訪使

五年春正月壬寅朔上以喪制不受朝賀癸卯寅時太廟屋壞移神
主于太極殿上素服避正殿輟朝五日日躬親祭享辛亥幸東都戊

辰昏霧四塞二月甲戌至自東都大赦天下唯謀反大逆不在赦限
餘並宥之河南百姓給復一年河南河北遭澇及蝗蟲處無出今年
地租武德貞觀以來勲臣子孫無位者訪求其後奏聞有嘉遯幽棲
養高不仕者州牧各以名薦三月庚戌於柳城依舊置營州都督府
丁巳以辛景初女封爲固安縣主妻子奚首領饒樂郡主大酺夏四
月巳丑皇帝第九子嗣一薨追封夏王謚曰悼甲午以則天拜洛受
圖壇及碑文并顯聖侯廟初因唐同泰僞造瑞石文所建令即廢毀
六月壬午鞏縣暴雨連月山水泛濫毀郭邑廬舍七百餘家人死者
七十二汜水同日漂壞近河百姓二百餘家秋七月甲子詔曰古者
操皇綱執大衆者何嘗不上稽天道下順人極或變通以隨時爰損
益以成務且衢室創制度堂以筵因之以禮神是光孝德用之以布
政蓋稱視朔先王所以厚人倫感天地者也少陽有位上帝斯歆此
則神貴於不黷禮殷於至敬令之明堂俯鄰宮掖此之嚴祝有異肅
恭苟非憲章將何軌物由是禮官博士公卿大臣廣參羣議欽若前

古宜存靈寢之式用罷辟雍之號可改爲乾元殿每臨御依正殿禮
九月壬寅改紫微省依舊爲中書省黃門省爲門下省黃門
監爲侍中冬十月丙子京師修大廟成丁丑詔以故越王貞死非其
罪封故許王男淋爲嗣越王以繼其後戊寅拊神主于太廟十一月
己亥契丹首領松漠郡王李失活來朝以宗女爲末樂公主以妻之
司徒兼鄧州刺史申王撝兼虢州刺史

六年春正月丙辰朔以未經大祥不受朝賀辛酉禁斷天下諸州惡
錢行二銖四分已上好錢不堪用者並即銷破覆鑄將作大匠韋湊
上疏請遷孝敬神主別立義宗廟以太子少師兼許州刺史岐王範
兼鄭州刺史二月甲戌禮幣徵嵩山隱士盧鴻夏五月乙未孝敬哀
皇后祔于恭陵契丹松漠郡王李失活平六月甲申瀘水暴漲壞人
廬舍溺殺千餘人乙酉制以故侍中桓彥範敬暉故中書令兼吏部
尚書張柬之故特進崔玄暉故中書令及恕己配饗中宗廟庭故司
空蘇瓌故左丞相太子少保郴州刺史劉幽未配饗睿宗廟庭秋七

月己未秘書監馬懷素卒九月乙未遣工部尚書劉知柔持節往河
南道存問冬十月丙申車駕還京師十一月辛卯至自東都丙申親
謁太廟迴御承天門詔七廟元皇帝已上三祖枝孫有失官序者各
與一人五品京官內外官三品已上有廟者各賜物三十匹以備修
祭服及俎豆賜文武官有差乙巳傳國八璽依舊改稱寶符璽郎爲
符寶郎十二月以開府儀同三司兼澤州刺史宋王憲爲涇州刺史
司徒兼虢州刺史申王撝爲隆州刺史以太子少師兼鄭州刺史岐
王範爲岐州刺史以太子少保兼徽州刺史薛王業爲虢州刺史
七年春正月吐蕃遣使朝貢三月丁酉左武衛大將軍霍國公王毛
仲加特進渤海靺鞨郡王大柞榮死其子武藝嗣位夏四月癸酉開
府儀同三司王仁皎薨五月己丑朔日有蝕之秋七月丙辰制以亢
陽日久上親錄囚徒多所原免諸州委州牧縣宰量事處置八月癸
丑勅周公制禮歷代不刊子夏爲傳孔門所受逮及諸家或變例與
其改作不如好古諸服紀宜一依舊文九月甲子改昭文館依舊爲

弘文館宋王憲徙封寧王冬十月於東都來庭縣廨置義宗廟辛卯
幸新豐之温湯癸卯至自温湯戊寅皇太子詣國學行齒胄禮陪位
官及學生賜物有差十二月丙戌置弘文崇文兩館警校書郎官負
八年春正月甲子朔皇太子加元服乙丑皇太子謁太廟丙寅會百
官於太極殿賜物有差壬申右散騎常侍舒國公褚無量卒巳卯侍
中宋璟爲開府儀同三司中書侍郎蘇頌爲禮部尚書並罷知政事
京兆尹源乾曜爲黃門侍郎并州大都督府長史張嘉貞爲中書侍
郎並同中書門下平章事二月丁酉皇太子敏薨追封懷王謚曰哀
夏五月丁卯源乾曜爲侍中張嘉貞爲中書令南天竺國遣使獻五
色鸚鵡六月壬寅夜東都暴雨穀水泛漲新安澗池河南壽安鞏縣
等廬舍蕩盡共九百六十一戶溺死者八百一十五人許衛等州掌
閑番兵溺者千一百四十八人秋九月突厥欲谷寇甘源等州涼州
都督楊敬述爲所敗掠契苾部落而歸以御史大夫王晙爲兵部尚
書兼幽州都督黃門侍郎韋抗爲御史大夫朔方摠管以禦之甲子

太子少師兼岐州刺史岐王範兼太子少傅太子少保兼虢州刺史薛王業爲太保餘並如故冬十月辛巳幸長春宮壬午畋于下邳十一月乙丑至自長春宮辛未突厥寇涼州殺人掠羊馬數萬計而去九年春正月丙辰改蒲州爲河中府置中都丙寅幸新豐之温湯夏四月庚寅蘭池州叛胡顯首僞稱葉護康待賓安慕容爲多覽殺大將軍何黑奴僞將軍石神奴康鐵頭得蒙真泉縣攻陷六胡州兵部尚書王峻發隴右諸軍及河東九姓掩討之甲戌上親策試應制舉人於含元殿謂曰古有三道今減二策近無科甲朕將存其上第務收賢俊用寧軍國仍令有司設食秋七月戊申罷中都依舊爲蒲州己酉王峻破蘭池州叛胡殺三萬五千騎丙辰楊潤等州暴風發屋拔樹漂損公私船舫一千餘隻辛酉討諸酋長斬康待賓先天中重修三九射禮至是給事中許先景抗疏罷之九月己巳朔日有蝕之丁未開府儀同三司梁國公姚崇薨丁巳御丹鳳樓宴突厥首領庚申幸中書省癸亥右羽林將軍權檢校并州大都督長史燕國公張

說爲兵部尚書同中書門下三品冬十一月丙辰左散騎常侍元行
冲上羣書目錄二百卷藏之內府庚午冬至大赦天下內外官九品
已上加一階三品已上加十日七月三日匡衛社稷食實封功臣坐
事削除官爵中間有生有死並量加收贈致仕官合佩魚者聽其終
身賜醮三日十二月乙酉幸新豐之温湯壬午至自温湯是冬無雪
十年春正月丁巳幸東都甲子省王公已下視品官叅佐及京三品
已上官伏身職負乙丑停天下公廨錢其官人料以稅戶錢克每月
准舊分例數給戊申內外官職田除公廨田園外並官收給還逃戶
及貧下戶欠丁田二月戊寅至東都三月戊申詔自今內外官有犯
職至解免已上縱逢赦免並終身勿齒夏四月丁酉封契丹首領松
漠都督李鬱子爲松漠郡王奚首領饒樂都督李魯蘇爲饒樂郡王
五月東都大雨伊汝等水泛漲漂壞河南府及許汝仙陳等州廬舍
數千家溺死者甚衆閏五月壬申兵部尚書張詠往朔方軍巡邊戊
寅勅諸番克質宿衛子弟並赦還國六月辛丑上訓註孝經頒于天

下癸卯以餘姚縣主女慕容氏為燕郡公主出降奚首領饒樂郡王李魯蘇已已增置京師太廟為九室移孝和皇帝神主以就正廟秋八月丙戌嶺南按察使裴佃先上言安南賊帥梅叔鸞等攻圍州縣遣驃騎將軍兼內侍楊思勗討之丁亥遣戶部尚書陸象先往汝許等州存撫賑給丙申博棣等州黃河堤破潭損田稼九月張說擒康願子於木盤山詔移河曲六州殘胡五萬餘口於許汝唐鄧仙豫等州始空河南朔方千里之地甲戌秘書監楚國公姜皎輕詔杖之六十配流欽州死於路都水使者劉承祖配流雷州乙亥制曰朕君臨宇內子育黎元內修睦親以叙九族外協庶政以濟兆人勲戚加優厚之恩兄弟盡友于之至務崇敦本克慎明德今小人作孽已伏憲章恐不逞之徒猶未能息凡在宗屬用申懲誡自今已後諸王公主駙馬外戚家除非至親以外不得出入門庭妄說言語所以共存至公之道求協和平之義克固藩翰以保厥休貴戚懿親宜書座右又下制約百官不得與卜祝之人交游來往乙卯夜京兆人權梁山偽

稱襄王男自號光常與其黨權屯營兵數百人自景風長樂等門斬關入宮城構逆至曉兵敗斬梁山傅首東都廢河陽栢崖倉冬十月癸丑乾元殿依舊題為明堂甲寅幸壽安之故興泰宮畋獵于土宜川庚申至自興泰宮波斯國遣使獻獅子十一月乙未初令宰相共食實封三百戶十二月停按察使

十一年春正月丁卯降都城見禁囚徒流死罪減一等餘並原之已巳北都巡狩勅所至處存問高年鰥寡憫獨征人家減流死罪一等徒以下放免庚辰幸并州潞州宴父老曲赦大辟罪已下給復五年別改其舊宅為飛龍宮辛卯撤州為太原府官吏補授一準京兆河南兩府百姓給復一年貧戶復二年元從戶復五年武德功臣及元從子孫有才堪文武未有官者委府縣搜揚具以名薦上親制起義堂頌及書刻石紀功于太原府之南街戊申次晉州壇塲使中書令張嘉貞貶為幽州刺史壬子祠后土于汾陰之睢上昇壇行事官三品已上加一爵四品已上加一階陪位官賜勳一轉改汾陰為寶

鼎縣癸亥兵部尚書張說兼中書令三月庚午車駕至京師制所經
州府縣無出今年地稅京城見禁囚徒並原免之夏四月丙辰遷柎
中宗神主于太廟癸亥張說正除中書令吏部尚書中山公王峻爲
兵部尚書同中書門下三品五月己巳北都置軍器監官負王峻爲
朔方節度使兼知河北郡隴左河西兵馬使六月王峻赴朔方軍秋
八月戊申尊八代祖宣皇帝廟號獻祖光皇帝廟號懿祖始柎于太
廟之九廟九月己巳頒上撰廣濟方於天下仍令諸州各置醫博士
一人春秋二時釋奠諸州宜依舊用牲牢其屬縣用酒醑而已冬十
月丁酉幸新豐之溫泉宮甲寅至自溫泉十一月戊寅親祀南郊大
赦天下見禁囚徒死罪至徒流已下免除之昇壇行事及供奉官三
品已上賜爵一級四品轉一階武德以來實封功臣知政宰輔淪屈
者所司具以狀聞賜醑三日京城五日自京師至于山東淮南
大雪平地三尺餘丁亥廢軍器監官負少府監加置少監一人以克
之十二月甲午幸鳳泉湯戊申至自鳳泉湯庚申王峻授蘄州刺史

十二年春正月夏四月封故澤王上金男義珣爲嗣澤王嗣許王瓘
左授鄂州別駕以弟瑒爲上金嗣故也癸卯嗣江王棖降爲信安郡
王嗣蜀王禴爲廣漢郡王嗣密王徹爲濮陽郡王嗣曹王臻爲濟國
公嗣趙王瑒爲中山郡王武陽郡王堪爲澧國公棖等並自神龍之
後相繼爲王以瓘利澤王之封盡令歸宗改封焉秋七月壬申月蝕
既已卯廢皇后王氏爲庶人后弟太子少保駙馬都尉守一貶爲澤
州別駕至藍田賜死戶部尚書河東伯張嘉真貶台州刺史冬十一
月庚申幸東都至華陰上制岳廟文勒之于石立于祠南之道周戊
寅至自東都庚辰司徒申王橋薨追謚曰惠莊太子五溪首領覃行
璋友遣鎮軍大將軍兼內侍楊思勗討平之閏十二月丙辰朔日有
蝕之

十三年春正月乙酉以幽州都督府爲大都督府戊子降死罪從流
流已下罪悉原之分遣御史中丞蔣欽緒等往十道疏決囚徒二月
戊午幸龍門即日還宮乙亥初置曠騎分隸十二司丙子改幽州爲

邠州 州爲莫州梁州爲襄州沅州爲巫州舞州爲 州 州爲福

州以避文相類及聲相近者三月甲午皇太子嗣謙改名鴻鄴王嗣

直改名潭徙封慶王陝王嗣昇改名浚徙封忠王鄆王嗣真改名洽

徙封棣王鄂王嗣初改名洵徙封郎王嗣玄改名浞封榮王又第八

子浚封爲光王第十二男濉封爲儀王第十三男震封爲潁王第十

六男澤封爲永王第十八男清封爲壽王第二十男洄封爲延王第

二十一男沐封爲盛王第二十二男溢封爲濟王丙申御史大夫程

行謹奏周朝酷吏來子珣萬國俊王弘義侯思止郭霸焦仁賈張知

默李敬仁唐奉一來俊臣周興丘神勣索元禮曹仁哲王景昭裴籍

李秦授劉光業王德壽屈貞筠鮑思恭劉景陽王處貞等二十三人

殘害宗枝毒陷良善情狀尤重子孫不許仕官陳嘉言魚承擘皇甫

文備傳遊藝四人情狀雖輕子孫不許近任請依開元二年二月五

日勅夏四月丁巳改集仙殿爲集賢殿麗正殿書院改集賢殿書院

內五品已上爲學士六品已下爲直學士癸酉令朝集使各舉所部

孝悌文武集於泰山之下五月庚寅妖賊劉定高率其黨夜犯通洛門盡擒斬之六月乙亥廢都西市冬十月癸丑新造銅儀成置於景運門內以示百官辛酉東封泰山發自東都十一月丙戌至兗州大宗頓丁亥致齋於行宮巳丑日南至備法駕登山仗衛羅列嶽下百餘里詔行從留於谷口上與宰臣禮官昇山庚寅祀昊天上帝於上壇有司祀五帝百神于下壇禮畢藏玉冊於封祀壇之石礧然後燔柴燎發羣臣稱萬歲傳呼自山頂至嶽下震動山谷上還齋宮慶雲見日抱戴辛卯祀皇地祇於社首藏玉冊於石礧如封祀壇之禮壬辰御帳殿受賀朝大赦天下流人未還者放還內外官三品巳上賜爵一等四品巳下賜一階登山官封賜一階褒聖侯量才與處分封泰山神爲天齊王禮秩加三公一等近山十里禁其樵採賜輔臣侍中源乾曜爲尚書左丞相兼侍中中書令張說爲尚書右丞相兼中書令甲午發岱嶽丙申幸孔子宅親設奠祭十二月巳巳至東都時累歲豐稔東都米斛十錢青齊米斛五錢是冬分吏部爲十銓勅禮

部尚書蘇頌刑部尚書韋抗工部尚書盧從愿等分掌選事

皇朝大

十四年春正月癸亥改封契丹松漠郡王李召固為廣化王奚鞬郡

王

李魯蘇為奉誠王封宗室外甥女二人為公主各以妻之二月庚

戌朔邕州獠首領梁大海周光等據賓橫等州叛遣驃騎大將軍兼

內侍楊思勗討之三月壬寅以國甥東華公主降于契丹李召固夏

四月癸丑御史中丞宇文融與御史大夫崔隱甫彈尚書右丞兼中

書令張說鞫於尚書省丁巳戶部侍郎李元紘同中書門下平章事

庚申張說停兼中書令丁卯太子少師岐王範薨冊贈惠文太子辛

丑於定恒莫易滄等五州置軍以備突厥五月癸卯戶部進計帳今

年管戶七百六萬九千五百六十五管口四千一百四十一萬九千

七百一十二六月戊午大風拔木發屋毀端門鴟吻都城門等及寺

觀鷗吻落者殆半上以旱暴風雨命中外羣官上封事指言時政得

失無有所隱秋七月癸丑夜灑水暴漲入漕漂沒諸州租船數百艘

溺者甚衆九月己丑檢校黃門侍郎兼磧西副大都護杜暹同中書

門下平章事是秋十五州言旱及霜五十州言水河南河北尤甚蘇
同常福四州漂壞廬舍遣御史中丞宇文融檢覆賑給之冬十月廢
麟州庚申幸汝州廣成湯已巳還東都十一月甲戌突厥遣使來朝
辛丑渤海靺鞨遣其子義信來朝并獻方物十二月丁巳幸壽安之
方秀州已未日色赤如赭壬戌還東都
十五年春正月戊寅制草澤有文武高才令詣闕自舉庚子太史監
復爲太史局依舊隸秘書省辛丑涼州都督王君奭破吐蕃於青海
之西虜輜車馬羊而還二月遣左監門將軍黎敬仁往河北賑給貧
乏時河北牛畜大疫已巳尚書左丞相張說御史大夫崔德甫中丞
宇文融以明黨相構制說致仕德甫免官侍母融左遷魏州刺史夏
五月晉州大水漂損居人廬舍癸酉以慶王潭爲涼州都督兼河西
諸軍節度大使忠王浚爲單于大都護朔方節度大使棣王洽爲太
原冀北牧河北諸軍節度大使鄂王洵爲幽州都督河北節度大使
榮王湜爲京兆牧隰右節度大使光王浣爲廣州都督五府節度大

使儀王維爲河南牧穎王濬爲安東都護平盧軍節度大使永王澤
爲荊州大都督壽王清爲益州大都督劔南節度大使延王洄爲安
西大都護磧西節度大使盛王沐爲揚州大都督並不出閣秋七月
甲戌雷震興教門樓兩鴟吻欄檻及柱災禮部尚書蘇頲卒庚寅鄜
州洛水泛漲壞人廬舍辛卯又壞同州馮翊縣廨宇及溺死者甚衆
丙申改武臨縣爲潁陽縣己亥赦都城繫囚死罪降從流徒已下罪
悉免之九月丙子吐蕃寇瓜州執刺史田元獻及王君奭父壽殺掠
人吏盡取軍資倉糧而去丙戌突厥毗伽可汗使其大臣梅錄啜來
朝閏月庚子突厥騎施蘇祿吐蕃贊普圍安西副大都護趙歸貞擊
走庚申車駕發東都還京師迴紇部落殺王君奭于甘州之鞏筆驛
制檢校兵部尚書蕭高兼判涼州事摠兵以禦吐蕃是秋六十三州
水十七州霜旱河北飢轉江淮之南租米百萬石以賑給之冬十月
己卯至自東都十二月乙亥幸溫泉宮丙戌至自溫泉宮

十六年春正月庚子始聽政于興慶宮秦隴等州獠首領瀧州刺史

陳行範廣州首領馮仁智何遊反魯叛遣驃騎大將軍楊思勗討之
壬寅安西副大都護趙歸貞敗吐蕃于城曲子城甲子黑水靺鞨遣
使來朝獻秋七月吐蕃寇瓜州刺史張守珪擊破之乙巳檢校兵部
尚書蕭嵩鄯州都督張志亮攻拔吐蕃門城斬獲數千級收其資畜
而還丙辰新羅王金興光遣使貢方物八月己巳特進張說進開元
大衍曆詔命有司頒行之辛卯蕭嵩又遣杜賓客擊吐蕃于祁連城
大破之獲其大將一人斬首五千級九月丙午以久雨降死罪從流
徒以下原之冬十月己卯幸溫泉宮己丑至自溫泉宮十一月癸巳
朔檢校兵部尚書河州節度判涼州事蕭嵩為兵部尚書同中書門
下平章事餘如故十二月丁卯幸溫泉宮丁丑至自溫泉宮

十七年二月丁卯雋州都督張審素攻破蠻拔昆明城及鹽城殺獲
萬人庚子特進張說復為尚書左丞相同州刺史陸象先為太子少
保甲寅禮部尚書信安王諱帥衆攻拔吐蕃石堡城夏四月癸亥令
中書門下分就大理京兆萬年長安等獄疏決囚徒制天下繫囚死

罪減一等餘並宥之丁亥大風震雷藍田山崩五月癸巳復置十道
按察使右散騎常侍徐堅卒六月甲戌尚書右丞相源乾曜停兼侍
中黃門侍郎杜暹為荊州大都督府長史中書侍郎李元紘為曹州
刺史兵部尚書蕭嵩兼中書令戶部侍郎兼鴻臚卿宇文融為黃門
侍郎兵部侍郎裴光庭為中書侍郎並同中書門下平章事秋七月
辛丑工部尚書張嘉貞卒八月癸亥上以降誕日燕百寮于花萼樓
下百寮表請以每年八月五日為千秋節王公已下獻鏡及承露囊
天下諸州咸令讌樂休暇三日仍編為令從之丙寅越州大水漂壞
廨宇及居人廬舍已卯中書侍郎裴光庭兼御史大夫依舊知政事
乙酉尚書右丞相開府儀同三司兼吏部尚書宋璟為尚書右丞相
尚書左丞相源乾曜為太子少傅九月壬子宇文融左遷汝州刺史
俄又貶昭州平樂尉壬寅裴光庭為黃門侍郎依舊知政事冬十月
戊午朔日有蝕之不盡如鉤癸未睦州獻竹實庚申前太子賓客元
行沖卒十一月庚申親饗九廟辛卯發京師丙申謁橋陵上望陵涕

泣左右並哀感制奉先縣同赤縣以所管萬三百戶供陵寢三府兵馬供宿衛曲赦縣內大辟罪已下戊戌謁定陵已亥謁獻陵壬寅謁昭陵乙巳謁乾陵戊申車駕還宮大赦天下流移人並放還左降官移近處百姓無出今年地稅之半每陵取側近六鄉供陵寢內外官三品已上加爵一等四品已下賜一階五品已上請父母亡者依級賜官及邑號十二月辛酉幸溫泉宮乙丑校獵渭濱壬申至自溫泉宮是冬無雪

十八年春正月辛卯黃門侍郎裴光庭爲侍中依舊兼御史大夫左丞相張說加開府儀同三司丙午幸薛王業宅即日還宮二月丙寅大雨雪俄而雷震左飛龍廐災三月辛卯改定州縣上中下戶口之數依舊給京官職田夏四月乙卯築京城外郭城凡十月而功畢壬戌幸寧親公主第即日還宮乙丑裴光庭兼吏部尚書是春命侍臣及百寮每旬暇日尋勝地讌樂仍賜錢令所司供帳造食丁卯侍臣已下讌于春明門外寧王憲之園池上御花萼樓邀其迴騎便令坐

飲透起爲舞頌賜有差五月契丹衙官突可汗殺其主李召固率部
落降于突厥奚部落亦隨西叛奚王李魯蘇來奔召固妻東華公主
陳氏及魯蘇妻東光公主韋氏並奔投平盧軍制幽州長史趙含章
率兵討之六月庚申命左右丞相尚書及中書門下五品已上官舉
才堪邊任及刺史者甲子彗星見于五車癸酉有星孛于畢昴丙子
命單于大都護忠王浚爲河北道行軍元帥御史大夫李朝隱京兆
尹裴佑先爲副率十八摠管以討契丹及奚等事竟不行壬午東都
瀍洛泛漲壞天津永濟二橋及堤象門外仗舍損居人廬舍千餘家
閏月甲申分幽州置薊州已丑令范安及韓朝宗就瀍洛水源疏決
置門以節水勢辛卯禮部奏請千秋節休假三日及村閭社會並就
千秋節先賽白帝報田祖先後坐飲散之秋七月庚辰幸寧王憲第
即日還宮八月丁亥上御花萼樓以千秋節百官獻賀賜四品已上
金鏡珠囊縑綵賜五品已下束帛有差上賦八韻詩又制秋景詩辛
亥幸永穆公主宅即日還宮九月先是高戶提官本錢乙卯御史大

夫李朝隱奏請薄稅百姓一年租錢克依舊高戶及典正等擬隨月收利供官人稅錢冬十月吐蕃遣其大臣名悉獵獻方物請降許之庚寅幸岐州之鳳泉湯癸卯至自鳳泉湯十一月丁卯幸新豐溫泉宮十二月戊子豐州刺史袁振坐妖言下獄死戊申尚書左丞相燕國公張說薨是歲百寮及華州父老累表請上尊號內請加聖文兩字并封西嶽不允

十九年春正月壬戌開府儀同三司霍國公王毛仲貶為襄州別駕中路賜死黨與貶黜者十數人辛卯遣鴻臚卿崔琳入吐蕃報聘丙子親耕於興慶宮龍池巳卯禁採捕鯉魚天下州府春秋二時社及釋奠停牲牢唯用酒醑未為常式二月甲午以崔琳為御史大夫三月乙酉朔崔琳使于吐蕃夏四月壬午於京城置禮院丙申令兩京及天下諸州各置太公尚父廟以張良配饗春秋二時仲月上戊日祭之壬戌五嶽各置老君廟六月乙酉大風拔木秋八月辛巳降天下死罪從流徒已下悉原之九月辛未吐蕃遣其國相論尚他肆來

朝冬十月丙申幸東都十一月丙辰至自東都甲子太子少傅源乾曜薨十二月薨州都督張審素以劫制使監察御史楊汪伏誅是冬浚苑內洛水六十餘日而罷戊戌裴光庭上擇山徑則維城前軌各一卷上令賜太子諸王各一本百三十六口四千五百四十三萬一千

二十年春正月乙卯以禮部尚書信安王禕率兵討契丹丁巳幸長芬公主宅乙丑幸薛王業宅並即日還宮二月己未勅文武選人承前例三月三十日爲例然開選門北團甲進官至夏來自今已後選門並正月內開團甲二月內訖分命宰相錄京城諸獄繫囚三月信安王禕與幽州長史趙含章大破奚契丹於幽州之北山夏四月乙亥讌百寮於上陽東州醉者賜以牀褥肩輿而歸相屬于路癸巳改造天津橋毀皇津橋合爲一橋五月癸卯寒食上墓宜編入五禮永爲恒式辛亥金仙長公主薨戊辰信安王獻奚契丹之俘上御應天門受之六月丁丑单于大都護河北東隨軍元帥忠王浚加司徒都護如故副大使安王禕加開府儀同三司庚寅幽州長史趙含章坐

盜用庫物左監門員外將軍揚元方受合章饋餉並於朝堂決杖流漢州皆賜死于路其月遣范安及於長安廣花萼樓築夾城至芙蓉園秋七月戊辰幸寧王憲宅即日還宮八月辛未朔日有蝕之己卯戶部尚書王駿卒九月乙巳中書令蕭嵩等奏上開元新禮一百五十卷制所司行用之渤海靺鞨寇登州殺刺史韋俊命左領軍將軍蓋福順發兵討之冬十月丙戌命巡幸所至有賢才未聞達者舉之仍令中書門下疏決囚徒辛卯至潞州之飛龍宮給復三年兵募丁防先差未發者令改出餘州辛丑至北都癸丑曲赦太原三年十一月庚午祀后土於雒上大赦天下左降官量移近處内外文武官加一階開元勲臣盡假紫及緋大酺三日十二月壬申至京師其年戶部計戶七百八十六萬一千二百三十六口四千五百四十三萬一千二百六十五

二十一年春正月庚子朔制令士庶家藏老子一本每年貢舉人量減尚書論語兩條策加老子策乙巳還柎肅明皇后神主于廟毀儀

坤廟丁巳幸溫泉宮巳未命工部尚書李嵩使于吐蕃癸亥至自溫泉宮三月乙巳侍中裴光庭薨甲寅尚書右丞韓休為黃門侍郎同中書門下平章事閏月幽州道副摠管郭英傑等討契丹為所敗於都山之下英傑死之夏四月丁巳以久旱命太子少保陸象先戶部尚書杜暹等七人往諸道宣慰賑給及令黜陟官吏䟽決囚徒丁酉寧王憲為太尉薛王業為司徒慶王潭為太子太師忠王浚為開府儀同三司棣王洽為太子少傅鄂王洎為太子太保五月甲申皇太子納妃薛氏制天下死罪降從流流已下釋放京文武官賜勲一轉秋七月乙丑朔日有蝕之九月壬午封皇子濫為濟王洸為信王泚為義王漼為陳王澄為豐王漣為恒王旋為涼王滔為深王冬十月庚戌幸溫泉宮十一月戊子尚書右丞相宋璟以年老請致仕許之十二月丁未兵部尚書徐國公蕭嵩為尚書右丞相黃門侍郎韓休為兵部尚書並罷知政事京兆尹裴耀卿為黃門侍郎前中書侍郎張九齡起復舊官並同中書門下平章事是歲關中久雨害稼京師

飢詔出太倉米二百萬石給之

二十二年春正月癸亥朔制古聖帝明皇嶽瀆海鎮用牲牢餘並以酒醢克奠已巳幸東都辛未太府卿嚴挺之戶部侍郎裴寬於河南存問賑給乙酉懷衛邢相等五州之糧遣中書舍人裴敦復巡問量給種子已丑至東都二月壬寅秦州地震廨宇及居人廬舍崩壞殆盡壓死官吏已下四十餘人殷殷有聲仍連震不止命尚書右丞相蕭嵩往祭山川並遣使存問賑恤之壓死之家給復一年一家三人已上死者給復二年辛亥初置十道採訪處置使徵恒州張果先生授銀青光祿大夫號曰通玄先生三月沒京兆商人任令方資財六十餘萬貫壬午欲令不禁私鑄錢遣公卿百寮詳議可否衆以為不可遂止四月乙未伊西北庭且依舊為節度廢太廟署以太常寺奉宗廟庚子唐州界隄州例立表測候日晷影長短乙巳詔京都見禁囚徒令中書門下及留守檢校覆降罪天下諸州委刺史丁未眉州鼎皇山下江水中得寶鼎甲寅北庭都護劉渙謀反伏誅五月

戊子黃門侍郎裴耀卿為侍中中書侍郎張九齡為中書令黃門侍郎李林甫為禮部尚書同中書門下平章事關中大風拔木同州尤甚是夏上自於苑中種麥率皇太子已下躬自收穫謂太子等曰此將薦宗廟是以躬親亦欲令汝等知稼穡之難也因分賜侍臣謂曰比歲令人巡檢苗稼所對多不實故自種植以觀其成且春秋書麥禾豈非古人所重也六月乙未遣左金吾將軍李佺於赤嶺與吐蕃分界立碑七月己巳司徒薛王業薨追謚為惠宣太子甲申遣中書令張九齡克河南開稻田使八月先是駕至東都遣侍中裴耀卿克江淮河南轉運使河口置輸場壬寅於輸場東置河陰縣又遣張九齡於許豫陳亳等州置水屯九月壬申改饒樂都督府為奉誠都督府辛巳移登州平海軍於海口安置冬十月甲辰試司農卿陳思問以贓私配流瀼州十二月戊子朔日有蝕之乙巳幽州長史張守珪發兵討契丹斬其王屈烈及其大臣可突干於陣傳首東都餘叛奚皆散走山谷立其酋長季過拆為契丹王是歲突厥毗伽可汗死斷

京城乞兒

谷立其首... 王景... 聖德... 秋七月丙子皇太子

二十三年春正月己亥親耕籍田上加至九推而止卿已下終其畝
大赦天下京文武官及朝集採訪使三品已下加一爵四品已下加
一階外官賜勳一轉其才有霸王之略學究天人之際及堪將帥牧
宰者令五品已上清官及刺史各舉一人致仕官量與改職依前致
仕賜醕三日三月丁卯殿中侍御史楊萬頃爲讐人所殺夏五月戊
寅宗子請率月俸於興慶宮建龍池上聖德頌秋七月丙子皇太子
鴻改名瑛慶王直已下十四王並改名又封皇子玘爲義王珪爲陳
王琪爲豐王琪爲恒王璿爲涼王璲爲汴王其榮王琬已下並開府
置官屬各食實封二千戶八月戊子制鰥寡憐獨免今年地稅之半
江淮已南有遭水處本道使賑給之九月戊申移泗州就臨淮縣置
冬十月辛亥移隸伊西北庭都護屬四鎮節度突騎施寇北庭及安
西撥換城十一月壬申朔日有蝕之十二月新羅遣使朝獻
二十四年春正月吐蕃遣使獻方物北庭都護蓋嘉運率兵擊突騎

破之三月乙未始移考功貢舉遣禮部侍郎掌之夏六月丙午京兆醴泉妖人劉志誠率衆爲亂將趨京城咸陽官吏燒便橋以斷其路俄而散走京兆府盡擒斬之是夏大執道路有暍死者秋七月庚子太子太保陸象先卒辛丑李林甫爲兵部尚書依舊知政事己巳初置壽星壇祭老人星及角亢等七宿八月戊申朔加親舅小功服舅母總麻服堂舅袒免己亥深王滔薨九月壬午改尚書主爵曰司封冬十月戊申車駕發東都還西京甲子至華州曲赦行在繫囚丁丑至自東都十一月壬寅侍中裴耀卿爲尚書左丞相中書令張九齡爲尚書右丞相並罷知政事兵部尚書李林甫兼中書令殿中監牛仙客兵部尚書同中書門下三品尚書右丞相蕭嵩爲太子太師工部尚書韓休爲太子少保十二月戊申太子太師慶王琮爲司徒丙寅牛仙客知門下省事

寅中仙香沐門不首事

陪尚書韓村萬太子父利十二日大申太子太師與王恭孫信封丙
除各其陪尚書同中書門下三品尚書太子少師蕭嵩太子太師王
為尚書太子少師並張昭廷事其陪尚書李林甫蕭中書令兼中書平
至日東補十一月壬寅封中書監蕭嵩尚書太子少師中書令兼太子
太子父利申車駕發東陪策西京甲午至華州曲池行宮蒙囚丁丑
甲申利獄堂與劉多口奏取王恭孫太子少師太子少師與小奴相
置書呈獻祭太子呈及前下等士前八月日山脚成賊與小奴相
太子太師劉崇太子少師李林甫與兵陪尚書太子少師張昭廷事日
始而遣去京北林蕭嵩博之皇夏大拜能盡亦開張善始十八庚子
蕭崇致入廢志類事案高蕭嵩賊京知志類百支數更蕭崇入隨其
如之三月了未設新事也道與蕭嵩對蕭崇之夏六月丙午京

(B)

610

1035

[v.16]

no.2

0
35